

# **REFERAT AIA - Aningaasaqarnermut Inuussutissarsionermullu Ataatsimiititaq d. 21-08-2020**

**Mødedato** Fredag d. 21. august 2020 kl. 18:00

**Mødested** Kommunalbestyrelsen ataatsimiittarfia

# Indholdsfortegnelse

Saqqaa.....	3
Oqaluuserisassat akuersissutigineqarneri.....	4
Nalunaarutit.....	5
Ilisimatitsissutit.....	6
Kalaallit Nunaanni InterForcemi kommunip peqataanera pillugu ilisimatitsissut.....	7
KIVITSISUUUVUGUT Periusissiaq 2021-2023.....	10
Aalajangiiffigisassat.....	14
Restaurant WOK nuummi imigassamik aalakoornartortalimmik sassaallersinnaanermut akuersissur	15
Suliat Kommunalbestyrelsimut ingerlateqqitassat.....	18
Siunnersuut, Kommunimut pilersaarummut tapiliussasaq 2B2-5, Inuussutissarsiuteqarfik Qeqertat..	19
Kommunimut pilersaarummut tapiliussaq 1A5-2, Tuapannguit, Nuuk, inaarutaasumik akuersissutig	23
Kommunimut pilersaarummut tapiliussaq 2E4-1 Qeqertat / Fyrø inaarutaasumik akuersissutigineqa	27
Utoqqaat pillugit Siunnersuisooqatigiit sulinerisa ingerlanerat pillugu ataavartumik ilisimatitsissute	28
Ukioq atuarfiusoq 2018/19 pillugu atuarfiit pitsaassuseq pillugu nalunaarusiaat.....	31
2020-mi Ikiorsiissuteqarnermut tunngasuni suliat allaaserineqarnerat.....	35
Imigassaq pillugu politikkip nutarterneqarnera.....	38
Ejnar Mikkelsens Østgrønlandsfondimut kiisalu Nuummi Illorsuaq Timersortarfimmut (NIT) siuler	41
2020-mi ukiup affaanut naatsorsuutit.....	44
Oqaluuserisassanut tapiliussaq - Nuummi Hans Egedep eqqaassutissaata inissisimanera pillugu inn	49
Taasariaqartut allat.....	53
Lukket.....	54
Lukket.....	55
Lukket.....	56
Lukket.....	57
Lukket.....	58
Lukket.....	59
Lukket.....	60
Imaqarniliap akuerineqarnera.....	61

# Punkt 0: Saqqaa

## Ilaasortat

Charlotte Ludvigsen (IA), *siulittaasoq*

Harald Bianco (IA)

Charlotte Pike (IA)

Henrik Rachlev (IA)

Justus Hansen (D)

Jens Kristian Berthelsen (S)

Peter Davidsen (S)

## Beslutning

Ataatsimeeqataasut: Charlotte Ludvigsen (IA), Justus Hansen (D), Jens Kristian Berthelsen (S) aamma Thiiooq Knudsen (S) uunga Peter Davidsen sinniisuvoq (S)

Oqarasuaatsikkut: Harald Bianco (IA), Henrik Rachlev (IA) aamma Charlotte Pike (IA)

Peqataasinnaanatik nalunaartut: Peter Davidsen (S)

## **Punkt 1: Oqaluuserisassat akuersissutigineqarneri**

### **Beslutning**

Jens Kristian berthelsen (S) 05H suliarineqarnerani suliamut attuumavallaarnerarluni nalunaarpoq

Oqaluuserisassat akuersissutigineqarput.

## Punkt 2: Nalunaarutit

Siulittaasumit nalunaarutit

### Beslutning

1. Juulip 27-anni borgmesterip Inuussutissarsiornermut Aatsitassanullu Naalakkersuisoq, Jens Frederik Nielsen ilisarititseqatigiinnertalimmik siullerpaamik ataatsimeeqatigaa. Ataatsimiinnermi naalakkersuisoqarfiup kommunillu akornanni suliat pillugit ilisimatitseqatigiittoqarpoq. Naalakkersuisup borgmesterit allat ilai aamma taamatut ataatsimeeqatigereerpai, naatsorsuutigalugulu tamakkerlugit ataatsimeeqatiginissaat.
2. Ulloq 28. aamma 29. aggusti borgmesteri Arsummut tikeraarpoq. Arsummut tikinnginnermi Ivittuut Kangilinnuillu alakkarneqarput, taakkunanilu Issittumi Sakkutooqarfik nittarsaassisuuvoq. Arsummut tikeraarnerup siunertaraa innuttaasunik oqaloqatigiinnertalimmik ataatsimeeqateqarnissaq, taakku peqataatinnissaat siunertaralugu, ilaatigullu innuttaasut Arsuk Ivittullu pillugit kissaatigisaannik tusarniaaffiginissaat. Aaqqissuussinermut takkuttut amerlalaavipput. Arsummi tikeraarnermut atatillugu Borgmesteri Nunaqarfimmi Aqutsisunik oqaloqatigiinnertalimmik ataatsimeeqateqarpoq. Innuttaasunik Nunaqarfimmilu Aqutsisunik oqaloqatigiinnertalimmik ataatsimiinnerup saniatigut borgmesterip ilaatigut takuniarpai meeqqerivik, atuarfik, aalisakkerivik utoqqaallu illuat matunikoq.
3. Aggustip pingajuanni Suliffeqarnermut Isumaginninnermullu Ingerlatsivimmi pisortannortoq sulilluni aallartippoq.
4. Ulluni 5. aamma 6. aggusti borgmesteri Qeqertarsuatsiaanut tikeraarpoq. Tikeraarnermi siunertarinearpoq innuttaasut "Qeqertarsuatsiaat - maannakkut siunissamilu" pillugit oqaloqatigiinnertalimmik ataatsimeeqateqarnissaq. Tuttunniarneq aallartereeraluartoq aasaanerani sulinnigiffeqartoqaraluartoq takkuttut amerlangaatsiarput, innuttaasullu nunaqarfisik ullumikkut siunissamilu pillugu eqqarsaatiminnik saqqummiussinissaminnut periarfissineqarput. Qeqertarsuatsiaanut tikeraarnermi Borgmesteri Nunaqarfimmi Aqutsisunik oqaloqatigiinnertalimmik ataatsimeeqatiseqarpoq, ataatsimiinnerillu saniatigut atuarfik, atuareernerup kingorna ornittagaq (AKO), meeqqerivik, utoqqaat illuat, Ammitsialak, umiatsianik iluarsaasarfik Ujaqkerivillu pulaarneqarput kiisalu Utoqqallammut kaffisoriartorluni.
5. Aggustip 14-ianni inuussutissarsiornermut siunnersuisooqatigiit ataatsimeersuarput. Sermersuumi Inuussutissarsiornermut immikkoortortaq Tunumi, Paamiuni Nuummilu Inuussutissarsiornermut Siunnersuisooqatigiinnik Aningaasaqarnermut Inuussutissarsiornermullu Ataatsimiititamik ataatsimeeqateqartitsivoq. Ataatsimiinnermi oqaloqatigiittoqarluarpoq inuussutissarsiornermullu siunnersuisooqatigiit 2021-mut inuussutissarsiornermut pilersaarummut kissaatigisaminnik amerlasuunik saqqummiussipput, ilaatigut kissaatigineqarluni inuussutissarsiornermi ineriartortitsinissamut periusissianik nutaanik suliaqartoqarnissaa. Ataatsimiinnerit qarasaasiakkut telefonikkullu ingerlanneqarput.
6. Ulloq aggustip 21-ani 2020-mi (ullum) Kalaallit Nunaanni meeqqat inuusuttullu aarlerinartorsiortut pillugit suliniutit patajaallisarneqarnissaat pillugit kalaallit qallunaallu oqartussaasoqarfiisa assigiinngitsunik suliallit akornanni suleqatigiissitap innersuussutai saqqummiunneqarput. Innersuussutit tamanut saqqummiunneqannginneranni Isumaginninnermut, Ilaqutariinnut Inatsisinillu Atuutsitsinermut Naalakkersuisup aamma Danskit Social- og Indenrigsministeriata borgmesterit tamakkerlugit ataatsimeeqatigiumallugit aggersarpaat. Ippassaq aggustip 20-ani internetti atorlugu ataatsimiinneq ingerlanneqarpoq, ataatsimiinnermilu innersuussutit saqqummiunneqarput.
7. Aggustip 28-anni Kommunalbestyrelse tamarmiusoq borgmesterimit ulloq naallugu Nuummi isumassarsioriartornissamut, kingornagullu unnuklut nereqatigiinnissamut qaaqquneqarpoq. Ulloq taanna pisussanut pilersaarut ullumi kommunalbestyrelsimi ilaasortanut nassiunneqarpoq.
8. Aqagu Aggustip ulluisa 22-anni ukioq manna Kommuneqarfik Sermersuumi Kulturimik Nittarsaassisoq 2020 Nuummi Nunatta Isiginnaartitsisarfiani nalliuttorsiorpalaartumik toqqarneqassaaq. Kikkulluunniit peqataanissaminnut tikilluaqqusaaput, erseqqissaassutigissavarali Covid-19-imi malittarisassat pequtugalugit, inuit amerlanerpaamik 40-ut najuullutik peqataasinnaammata. Kommuneqarfik Sermersuup Facebook-iatigut toqqaannartumik aamma aallakaatinneqarumaarpoq.

## **Punkt 3: Ilisimatitsissutit**

## **Punkt 03A: Kalaallit Nunaanni InterForcemi kommunip peqataanera pillugu ilisimatitsissut**

### **Beslutning**

Ilisimatitsissut tusaatissatut tiguneqarpoq.

## **Kalaallit Nunaanni InterForcemi kommunip peqataanera pillugu ilisimatitsissut**

Ilisimatitsissut

J.nr 00.00.00

Suliffeqarfimmut Kiffartuussivik - Vicekommunaldirektøri Marie Fleischer / MAFL

### **Suliassamik eqikkaaneq**

Kommune assigiinngitsunik suliaqartut suleqatigiiffianni, Kalaallit Nunaanni InterForce, allaffissornikkut peqataavoq. Innuttaasut sillimmatit sakkutuutut inissisimasut pisariaqartitsineq naapertorlugu eqaatsumik aaqqissuulluakkamillu sakkutuutut aallartinneqarnissaannut tunngavissinissaq suleqatigiinnermi siunertaavoq.

Kommune suleqatigiinnut peqataavoq, taamaattorli Kalaallit Nunaanni Inter Forcemut attuumassuteqartunik aningaasatigut suliassamik suliaqarneq ajorpoq. Kommunimit peqataaneq, peqataasutut allatut, allaffissornikkut ingerlanneqartarpoq.

### **Inassuteqaat**

Suliffeqarfimmut Kiffartuussiviup Aningaasaqarnermut Inuussutissarsionermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

### **Suliamik saqqummiussineq**

InterForce 1999-imiilli kunneqarfik Danmarkimi namminersortut pisortallu suliffeqarfiutaanni sulisut, ulluinnarni suliffimmi saniatigut Illersornissaqarfimmut Hjemmeværnimullu atassuteqartut, atugarisaannut pitsanngorsaaniarlutik suliaqarsimapput.

Illersornissaqarfiup 2020-p ingerlanerani Nuummi inissisimasumik Kalaallit Nunaanni InterForce pilersippaat. Kalaallit Nunaanni InterForce, suliffeqarfiup Interforcep qullersaqarfiata ilagilissavaa, Issittumi Sakkutooqarfimilu allatseqarfeqalerluni. Ukiuni tulliuuttuni Kalaallit Nunaanni suliassamik naammassinnittarneq pitsanngorsaaviginarlugu Issittumi Sakkutooqarfiup ilaatigut Kalaallit Nunaanni innuttaasut peqataatinneqartarnerat annertusassavaat. Ataasiakkaat namminneq kajumissutsiminnik upalungaarsimanermut tunngasunik suliaqartartut suliffeqarfiillu taakkuninnga sulisoqartut akornanni pitsaanerpaamik attaveqarnissaat pillugu ikiuinissaq siunertaralugu Kalaallit Nunaanni InterForce pilersinneqarpoq.

Kalaallit Nunaanni InterForce tassaassapput ulluinnarni aqutsisut, tassanilu peqataasussat tassaapput inuussutissarsiuteqartunit siulittaasoq, Issittumi Sakkutooqarfimmi vicechefi kiisalu Kalaallit Nunaanni namminersortunit pisortanillu aqutsisut assigiinngitsut. Kommuneqarfik Sermersuumit pisortaqaatigiinneersumik sinniisoqassaaq. Suliffeqarfik suliassanut assigiinngitsunut, soorlu paasititsiniaalluni ataatsimiititsinernut, attaveqaatinik ataatsimeeqateqartarnernik, suliniutinik pilersaarusiornernik kiisalu tunngaviit assigiinngitsut akornanni attaveqaatigiinnernik, akisussaasuusaaq. Suliniutit tamarmik Kalaallit Nunaanni nammineq kajumissutsimik sakkutuutut suliaqartartut, allatigulluunniit Illersornissaqarfimmi sakkutuutut sillimasutut ilaatinneqartut, tapersorsorniarlugit ingerlanneqartarput.

Kommuneqarfik Sermersooq Kalaallit Nunaanni InterForcemi Illersornissaqarfimmit peqatiserineqarnera tunngavigalugu peqataavoq. Kommunimi allaffeqarfiup Kalaallit Nunaanni namminersortunik pisortaqaarfinnillu qanimut suleqateqartarneq iluaquteqartutut pingaaruteqartutullu nalilerpaa. Taamatuttaaq coronamik nalaataqarnerup suliffeqarfiit

assigiinngitsut akornanni kiisalu suliffeqarfiit assigiinngitsut akornanni upalungaarsimanissamut suliaqarnissamut atatillugu suleqatigiinnissamik pisariaqartitsisoqartoq ersarissumik takutippaa.

Siunissami ajornartoortoqalissagaluarpat Illersornissaqarfiullu Kalaallit Nunaanni sakkutuutut sillimasutut inissisimasut sakkutuutut aallartinneqarnissaat pisariaqartillugit taava kommunimit pingaartinneqassaaq tamanna sapinngisamik pisariitsumik ingerlanneqassasoq.

#### ***Aaqqiissutissatut siunnersuut – suliatigut naliliineq***

Kalaallit Nunaanni InterForcemi sinniisuutitaqarnek kommunip soqutigisaata ilagissagaa nalilerneqarpoq, taamatuttaarlu iluaqutissartaqassaaq ajornartoortoqalissagaluarpat Illersornissaqarfimmit kommunip sulisuinik atuisinnaanissaanik isumaqatigiissusiortoqarnissaa.

#### ***Aningaasatigut sulisoqarnikkullu naliliinerit***

Peqataanek taamaallaat sinniisuutitaqarnermut tunngavoq, aningaasatigullu tapiissuteqarnermut tunngassuteqarnani. Sulisut sakkutuutut sillimmataasutut suliaqartitaaratarsinnaasut tamatumani kommunimit akissarsiaqartinneqassanngillat.

Taamaalilluni peqataanermit atatillugu annertunerusumik aningaasaqarnikkut sunniuteqassanngilaq.

#### ***Inatsisitigut tunngavissaq allakkallu tunngaviusumik uppernarsaatitallit***

Tunngaviusumik uppernarsaateqanngilaq.

#### ***Ingerlariaqqinnissaq***

Suliap ingerlariaqqinnissaanut atatillugu allaffeqarfik peqataassaaq, ingerlariaqqinnissamullu pilersaarutit annertuumik allannguuteqassappata illuatungerisat attuumassuteqartut peqataatinneqassapput.

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqaatinik pissarsiniartoqanngilaq, takuuk

*"Aningaasatigut sulisoqarnikkullu naliliinerit"*

#### **Innuttaasunik peqataatitsineq/attaveqatigiinneq**

Kalaallit Nunaanni InterForcep aamma Issittumi Sakkutooqarfiup attaveqatigiinneq namminneq isumagissavaat.

#### **Ingerlatsivinnit allaniit oqaaseqaatigineqartut**

Oqaaseqartitsiniartoqanngilaq.

#### **Ilanngussat**

Ilanngussaqaanngilaq.

## **Punkt 03B: KIVITSISUUVUGUT Periusissiaq 2021-2023**

### **Beslutning**

Ilisimatitsissut tusaatissatut tiguneqarpoq.

### **Bilag**

KIVITSISUUVUGUT

# KIVITSISUUVUGUT Periusissiaq 2021-2023

Ilisimatitsissut

J.nr.: 00.00.00

Suliffeqarfimmut Kiffartuussivik - Vicekommunaldirektøri Marie Fleischer / MAFL

## **Suliassamik eqikkaaneq**

Pisortaqatigiit ulloq 7. juuli 2020 aalajangerput, Kommuneqarfik Sermersooq allaffeqarfimmut periusissialiorluni aggustimi aallartissasoq. Periusissiaq 2020-mi decembarimi saqqummiunneqassaaq, periusissiatullu anguniakkat suliniutillu ukiuni 2021-miit 2023-mut atuutilersinneqassallutik.

Ullumikkut allaffimmik ingerlatseriaaseq isiginiarlugu periusissialiornermik aallartisarneq pissaaq, imaanngilarli nualluussuup covid-19-ip takkunnerata kingunerisaanik aallartinneqartoq. Covid-19 ullormiit ullormut takkuppoq, ulluinnatsinnullu sungiusimasatsinnut allannguilluni. Ulluinnaat allanngorfianni kommunip aningaasaqarneranik eqqumaffiginninnerunissaq, pingaarnertut suliassat qitiutinneqarnissaannik qulakkeerinninnissaq, nutaamik eqqarsarnissaq aamma attanneqarsinnaasunik aaqqiissutissarsionnissaq pisariaqarpoq. Allaffissornikkut pisariinnerusumik sullissineq ingerlappat politikikkut sanaartornermut aningaasaliissuteqarnissamut akissaqarnerulertoqassaaq, tassuunalu ineriartortitsineq suliffissaqartitsinerlu qulakkeerlugu, taamaalillunilu ilaqutariinnut peqqinnarnerusumik ingerlalluarnerusumillu inuuneqarnissamut pilersitsiffiilluni.

Periusissiaq taaguuserneqarpoq: KIVITSISUUVUGUT- Vi er dem der løfter.

## **Inassuteqaat**

Suliffeqarfimmut Kiffartuussiviup Aningaasaqarnermut Inuusutissarsionermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq

## **Suliamik saqqummiussineq**

Kommuneqarfik Sermersooq, kommune illoqarfittut pingaarnersaqarfik pisussaaffiliisumik akisussaaffeqarpoq, assigiinngitsunik naatsorsuuteqartunik innuttaqartoq inuiaqatigiillu sinnerinik oqimaatigiissitsiniartussaasoq. Covid-19 ullormiit ullormut takkuppoq, ulluinnatsinnullu sungiusimasatsinnut allannguilluni. Ulluinnaat allanngorfianni kommunip aningaasaqarneranik eqqumaffiginninnerunissaq, pingaarnertut suliassat qitiutinneqarnissaannik qulakkeerinninnissaq, nutaamik eqqarsarnissaq aamma attanneqarsinnaasunik aaqqiissutissarsionnissaq pisariaqarpoq.

Kommunimi ineriartortitsinissaq siuarsaanissarlu pisinnaassappata sanaartornermut aningaasartuutitut nammineq aningaasaliissutitigut siunissami kommunip aningaasaqarneranik artukkiissaaq. Sanaartornermut aningaasaliissuteqarneq pingaarnertutinniarlugu kiffartuussinermik ajorseriartitsinngitsumik suliaqarnissaq aallartinneqartariaqarpoq, tassuunalu qulakkeerlugu kommunip innuttaasunik kiffartuussinera pisariinnerusoq.

Aaqqissuussaaneq uninngaannartuunngilaq. Ukiut pingasut matuma siorna atorsinnaasut imaanngilaq ullumikkut atorsinnaasut. Kommunimi aaqqissuussaaneq ilaatigut naleqquttoqannginnera pisortaqatigiinnit paasineqarpoq. Suliniutissanik periusissiami Kivitsisuuvugumi ilaatigut aaqqissuussaneq eqqarsaatigeqqinneqarnera aamma allaffissornikkut ingerlatseriaaseq pineqarput. Suliassat arlallit aalajangiinissamik piginnaatitaaffeqarneq ilanngullugu najukkami isumagilluarneqarsinnaapput.

Kivitsisuvugumi aamma qitiutinneqartoq ilaatigut tassaavoq atorfinitsitsisarneq tigumminiinnarnerlu. Pisortaqaatigiinnit pingaartinneqarpoq, sulisut piukkunnartut, piomassuseqartut peqqissullu sulinermi avatangiiserissaarnissaat.

Periusissiaq suliniuteqarfiit ilaanni piffissami 2021-miit 2023-mut atuutilersinneqassapput. Pisariinnerusumik ingerlatsineq qulakkeerniarlugu periusissiaq siunnerfiliisuusaaq aamma sulisunut piukkunnartunut, piomassuseqartunut peqqissunullu suliffimmi avatangiiserissaartitsinissamut siunnerfiliisoq.

Periusissaliornermi ilaatigut qulaaniit ammut ingerlanneqartassaaq. Pisortaqaatigiit periusissamut pingaarnertut siunnerfiliissapput, tassunga ilanngullugit anguniakkat, takorluukkat, naleqartitat suliniuteqarfissallu. Tamatumalu kingorna pisortaqaatigiit chefeqatigiillu suliniutissanut periusissanik naleqqussaassapput. Periusissiap kommunimut tamarmut saqqummiunneqannginnerani periusissiamik pimoorussinissaq piginnittuusutullu misiginissaq eqqarsaatigalugit Paamiuni, Tasiilami Nuummilu aqutsisut akulliit sulisullu akuutinneqassapput.

### ***Piffissamut pilersaarut:***

Aggusti 2020: Pisortaqaatigiit anguniakkamut, takorluukkamut, naleqartitanut tunngasut aamma pingaarnertut periusissaliorfiusut aalajangiiffigisassavaat.

2020-p ukiaani: Periusissaliorfiusut periusissamullu suliniutaasunut iluaqutaasussamik chefeqatigiit pisortaqaatigiillu naleqqussaassapput.

2020-p ukiaani: Nuummi, Tasiilami Paamiunilu periusissamik suliniutinillu pimoorussinissaq piginnittuunissarlu pillugit pisortaqaatigiinneersunik peqataasoqartumik workshopernerit ingerlanneqassapput.

Periusissiaq 2020-mi decembarimi saqqummiunneqassaaq.

(Ilanngussaq innersuussutigineqartoq: KIVITSISUUVUGUT – Piffissamut pilersaarut)

### ***Aaqqiissutissatut siunnersuut – suliatigut naliliineq***

Oqaaseqaateqanngilaq.

### ***Aningaasatigut sulisoqarnikkullu naliliinerit***

Periusissiamut ineriartortitsinermut anguniakkanullu aningaasartuutit missingersuutit iluanniitinneqassapput.

Soorlu anguniakkanik suliniuteqarnermi aqutsineq ingerlatsinerlu suliassaqarfiup iluani ingerlanneqassasoq.

### ***Inatsisitigut tunngavissaq allakkallu tunngaviusumik uppersaateqatitallit***

Tunngaviusumik uppersaateqanngilaq.

### ***Ingerlariaqqinnissaq***

Periusissiap akuerineqannginnerani immikkut ittumik sammisaqartitsinermi saqqummiunneqarumaarpoq.

### ***Aningaasaqarnermut Allatseqarfimmit oqaaseqaatit***

*Aningaasatigut sulisoqarnikkullu naliliinerup ataani allassimasut takukkit.*

### ***Innuttaasunik peqataatitsineq/attaveqaatigiinneq***

Soqanngilaq.

### ***Ingerlatsivinnit allaniit oqaaseqaatigineqartut***

Oqaaseqaateqartitsisoqanngilaq

## **Ilanngussat**

1. KIVITSISUUVUGUT - Piffissamut pilersaarut

## **Punkt 4: Aalajangiiffisassat**

**Punkt 04A: Restaurant WOK nuummi imigassamik  
aalakoornartortalimmik sassaallersinnaanermut akuersissummut type B-  
mik qinnuteqaat**

**Beslutning**

Inassuteqaat akuersissutigineqarpoq.

## **Restaurant WOK nuummi imigassamik aalakoornartortalimmik sassaallersinnaanermut akuersissummut type B-mik qinnuteqaat**

Aalajangiiffigisassaq

J.nr.: 70.06.00

Suliffeqarfimmut Kiffartuussivik - Vicekommunaldirektøri Marie Fleischer / MAFL

### **Suliassamik eqikkaaneq**

Suliffeqarfimmut Kiffartuussivimmit Restaurant WOK, Aqqusinersuaq 9, 3900 Nuuk v/ Nuuk Købmandshandel A/S Erik Brogaard imigassamik kimikitsumik kimittuumillu aalakoornartortalimmik sassaallersinnaanermut akuersissummik qinnuteqaat tiguneqarpoq.

Maannakkut Café WOK-tut atuuppoq.

### **Inassuteqaat**

Suliffeqarfimmut Kiffartuussiviup Aningaasaqarnermut Inuusutissarsionermullu Ataatsimiititamat inassuteqaatigaa:

- Restaurant WOK, Aqqusinersuaq 9, 3900 Nuuk imigassamik aalakoornartortalinnik sassaallersinnaanermut akuersissut type B pillugu qinnuteqaat akuersissutigineqassasoq

### **Suliassamik saqqummiussineq**

Suliffeqarfimmut Kiffartuussivimmit Restaurant WOK imigassamik aalakoornartortalimmik type B-mik sassaallersinnaanermut akuersissummik qinnuteqaat tiguneqarpoq.

Tamatuma saniatigut Kalaallit Politiit kiisalu Peqqinneq Pitsaaliuinerlu pillugit Ingerlatsivik oqaaseqaatissaqanngillat. Qatserisartoqarnermut Oqartussaasut, oqaaseqaatigivaat sillimaniarneq pillugu iluarsisutissaqartut, Meeqqanut Inuusuttunullu Ingerlatsiviup qinnuteqaat itigartippaat, meeqqanik amerlasuunik ornigarneqartarnera pillugu.

Kommuneqarfik Sermersuumi Kommunalbestyrelse tunngaviusumik akuersissuteqartarnermut atatillugu politikki malillugu imigassamik sassaallersinnaanermut qinnuteqaatinut itigartitsinermi tulluuttut tunngavigineqartarput:

- Suliffeqarfinni kantiinat imigassaqaarfiussanngillat
- Innuttaasunut illut ataatsimoortarfiusut imigassallerfiussanngillat
- Cafeteriat, kaffisorniarfiit aamma grillbarit sassaalliisarfiillu assigisaat imigassamik kimittuumik tuniniaasussaasariaqanngillat. Taamaattorli sassaallertartut imigassamik kimikitsunik sassaallertarnissaat Kommunalbestyrelsimit aalajangerneqarsinnaavoq.

Sulialli ataasiakkaat naliliiffigineqartassapput aalajangersimasumik nalilersuinissamat periarfissaqartassammat.

Kommuneqarfik Sermersuumi imigassamik sassaallersinnaanermut akuersissuteqarnermik aalajangersimasumik periusaavoq akuersissuteqartarnermut atatillugu kommunalbestyrelsip politikkini malillugu assigiissaarinissamat toqqammaviusoq tulluuttut tunngavigalugit allatut aalajangiissalluni:

- Najugaqarfiit eqqaanni sassaalliisarfiit nutaat Kommunalbestyrelsimit illoqarfiup pilersaarusiorneqarnera naapertorlugu itigartissallugit nalunaarfisinnaavai
- Sumiiffinni arlalinnik sassaalliisarfeqartoqarpat Kommunalbestyrelsimit itigartitsissutigineqarsinnaavoq, assersuutigalugu nutaamik sassaalliisartoqalerpat akuersissutinik peqartut akornanni unammillernissaasa annertusinissaat taamaalillutillu sakkortuumik sassaalliiniarnerat pisinnaasoq annilaanngatigineqarsinnaammat.

Pisuni allani tamakkiisumik naliliinerit tunngavigalugit imigassartornermi naleqquttumik ileqqoqarnissap qulakkeerneqarnissaanut inuiaqatigiinnut sammisumik ataqatigiittoqarnera tunngavigalugu Kommunalbestyrelse aalajangiisassaaq:

- Inuit ataatsimoortarfeqarnerat tunngavigalugu Kommunalbestyrelsimit itigartitsisoqarsinnaavoq, sassaalliiniartut assersuutugalugu timersortarfiit assigisaasalu allat qanittuanni inissisimappata, taakkuummatami inuusuttunit ornigarneqarluartut.

*Aaqqiissutissatut siunnersuut – suliatigut naliliineq*

Imigassamik nioqquteqarsinnaanermut akuersissummut paasissutissat tamarmik Suliffeqarfimmut Kiffartuussivimmit pissarsiarineqareerput. Suliffeqarfimmut Kiffartuussivimmit Restaurant WOK imigassanik aalakoornartortalimmik nioqquteqarsinnaanermut akuersissummik tunineqarnissaanut piumasaaqatinik naammassinnittutut nalilerneqarpoq.

*Aningaasatigut sulisoqarnikkullu naliliinerit*

Kommuneqarfik Sermersuumut aningaasatigut sulisoqarnikkullu annertuumik kinguneqarnaviangilaq.

*Inatsisitigut tunngavissaq allakkallu tunngaviusumik uppersaaitallit*

- Inatsisartut Inatsisaat nr. 35, 23. november 2017-imeersoq aamma Imigassanik aalakoornartortalinnik nioqquteqartarneq sassaallertarnerlu pillugit Inatsisartut inatsisaata allangortinneqarneranik Inatsisartut inatsisissaat nr. 3, 31. maj 2001-imeersoq.
- Init imigassanik aalakoornartulinnik nioqquteqartarfiit sassaallertarfiillu aaqqissuunneqarneri atornerarnerilu pillugit Namminersornerullutik Oqartussat Nalunaarutaat nr 19. ulloq 29. marsi 1990-imeersoq
- Imigassanik nioqquteqarsinnaanermut akuersissutit pillugit Namminersornerullutik Oqartussat Nalunaarutaat nr. 4 ulloq 29. maj 1992-imeersoq
- Kommuneqarfik Sermersuumi imigassamik aalakoornartortalinnik nioqquteqartarneq sassaallertarnerlu pillugit Namminersorlutik Oqartussat nalunaarutaat nr. 4, 4. marsi 2011-meersoq

*Ingerlariaqqinnissaq*

Soqanngilaq.

**Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfimmit oqaaseqartitsisoqarsimangilaq.

**Innuttaasunik peqataatitsineq/Attaveqaqatigiinneq**

Soqanngilaq.

**Ingerlatsivinnit allaniit oqaaseqaatigineqartut**

Soqanngilaq.

**Ilanngussat**

Soqanngilaq.

## **Punkt 5: Suliat Kommunalbestyrelsimut ingerlateqqitassat**

## **Punkt 05A: Siunnersuut, Kommunimut pilersaarummut tapiliussasaq 2B2-5, Inuussutissarsiteqarfik Qeqertat**

### **Beslutning**

Inassuteqaat akuersissutigineqarpoq.

### **Bilag**

Kommunimut pilersaarummut tapiliussasatut siunnersuut 2B2-5, Inuussutissarsiteqarfik Qeqertat, Nuuk

## **Siunnersuut, Kommunimut pilersaarummut tapiliussasaq 2B2-5, Inuussutissarsiuqarfik Qeqertat**

Aalajangiiffigisassaq

J.nr.: ANL-2020-00011

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

### **Suliassamik eqikkaaneq**

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 2B2-5.

Immikkuualuttumut killiliussaq allanngortinneqassaaq, taassuma iluani mikinerusumik immikkuualuttoqassalluni.

Ilanngullugu sissami nunniornikkut nunamut atasussamik naammattumik nunaminertaqarnissaa qulakkeerneqassaaq. Taama iliornikkut ilaatigut tankeqarfiup pioreersup allilernissaanut periarfissaqalissaaq.

Ilanngullugu siunnersuutip imarivaa aaqqissuussinermi oqaasertaasut allanngortinnissaat, aalajangersagartaanik sakkortusaataasumik.

Suliaq Sanarfinermut Avatangiisinullu Ataatsimiititap aggustip pingajuanni 2020-mi ataatsimiinnerani oqaluuserineqarpoq, ataatsimiititallu inassuteqaat akuersissutigaa suliarlu Aningaasaqarnermut Inuussutissarsiornermullu Ataatsimiititamut akuersissanngorlugu ingerlateqqippaa tamanut tusarniaassutigineqarnissaa siunertaralugu kiisalu Kommunalbestyrelsimut ilisimatitsissutigisassanngorlugu ingerlateqqillugu.

### **Inassuteqaat**

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatiga:

- kommunimut pilersaarummut tapiliussassatut siunnersuut 2B2-5 Qeqertat / Fyrø, Nuuk, tamanut tusarniaassutigineqarnissaa siunertaralugu akuersissutigineqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

### **Suliamik saqqummiussineq**

Kommuneqarfik Sermersuup Illoqarfiit pingaarnersaat pillugu periusissiap Kommunalbestyrelsimut akuersissutigineqarneratigut ilaatigut Nuummi inuussutissarsiuqarfik pitsanngorsaaviginissaat periarfissaannillu siarsaaviginissaat aallutarineqarpoq. Matumani inuussutissarsiuqarfik "*nunani tamalaani, nunatsinni illoqarfimmilu suliffeqarfinnut pilerinarsarlugu*" ineriartortissavarput.

Pilersaarut pioreersoq tunngavigalugu Kommunimut pilersaarummut ilassutissatut siunnersuut matumuuna suliarineqarpoq makkuninnga allannguuteqartillugu:

- Annertussuseq immikkuualuttuni A aamma C allanngortinneqassaaq, tankeqarfiup toqqavianut nunamut atasortaa pioreersoq 3.600 m<sup>2</sup> miss. allilerneratigut. Tankeqarfiup pioreersup sissaata kujataatungaata nunniornertigut tamanna pissaq.

- Immikkuualuttoq B allilernerqassaaq (avannamut kangiatungaani immikkuualuttoq A annikillineratigut), immerlugu 15.000 m<sup>2</sup> miss sissaq immerneratigut taannalu talittarfeqarfimmu atatilugu atornerqarsinnaavoq.
- Immikkuualuttoq nutaaq pilersinneqassaaq, *immikkuualuttoq E*, immerneqareeriarpat inuussutissarsiutinik siunertalinnut, quersuaqarnermut allanulluunniit inaalitsivittut talittarfiup eqqaaniittariaqartunut atornerqarsinnaasoq. Immikkuualuttoq E sanaartorfiussaguni qummut 15 m portunerussanngilaq.

Immikkuualuttut atornerqarnerat ataasiakkaani allaaserineqassaaq:

- *Immikkuualuttoq A* talittarfeqarnermut siunertaqassaaq.
- *Immikkuualuttut B, C & D* talittarfeqarnermik inuussutissarsiornermut atugassanngortinneqassapput
- *Immikkuualuttoq E* quersuaqarfittut allanulluunniit inaalitsivittut talittarfeqarfiup eqqaaniittariaqartunut siunertalinnut atugassanngortinneqassaaq.

Sanaartorfissanik nutaanik pilersitsisoqassaaq, atornerqassappatalu arlaqartut immerneqaqqaartariaqarput.

#### *Aaqqiissutissatut siunnersuut – suliatigut naliliineq*

Immikkuualuttoq 2B2 pilersikkiartuaarnera pivoq kommunalbestyrelsip takorluugaatut inuussutissarsiorfittut imminut atasumik mittarfeqarfimmit kujammut Qeqertat / Fyrø tungaanut.

Kommunimut pilersaarummut ilassutissatut siunnersuut, Qeqertat inuussutissarsiornep tungaatigut pitsaasumik ineriartortinneqarneranut, inuussutissarsiornep piorsarneqarnissaanut pissusissamisoortumik alloriarnissap tullianut ilapittuutaanissaa ingerlatsivimmit nalilernerqarpoq. Kommunimut pilersaarummut ilassutit pioreersut Sikuki Nuuk Harbour sumiiffimmi atortorissaaruteqarnikkut sanaartorfissaliornikkullu pilersitsiffigereerpai siunnersuutillu matuma immap / sissap nunniorneratigut nunaminertat nunamut atasut annertusitissavai taamaalliluni nutaanik sanaartorfissaqalissaaq.

#### *Aningaasatigut sulisoqarnikkullu naliliinerit*

Oqaaseqaateqanngilaq.

#### *Inatsisitigut tunngavissaq allakkallu tunngaviusumik uppersaatitalit*

- Pilersaarusionerq aamma nunaminertat atornerqartarneri pillugit Inatsisartut inatsisaat nr. 17, 17. november 2010-imeersoq aamma
- Inatsisartut inatsisaat nr. 34, 9. december 2015-imeersoq
- Kommunimut pilersaarut digitaliusoq [www.sermersooq2028.gl](http://www.sermersooq2028.gl)

#### *Ingerlariaqqinnissaq*

Siunnersuut tusarniaassutigineqassaaq.

Maanna atuuppoq kommunimut pilersaarummut tapiliussaq 2B2-5 kommunimut pilersaarut 2B2-4 atorunnaarsinneqarpoq

**Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfik oqaaseqaatissaqanngilaq.

**Innuttaasunik peqataatitsineq/attaveqaqatigiinneq**

Soqanngilaq.

**Ingerlatsivinnit allaniit oqaaseqaatigineqartut**

Soqanngilaq

**Siusinnerusukkut aalajangernerit**

*Sanarfinermut Avatangiisinullu Ataatsimiititap aalajangernera 03. agusti 2020-meersoq:*

Inassuteqaat akuersissutigineqarpoq

**Ilanngussat**

1. Kommunimut pilersaarummut tapiliussasatut siunnersuut 2B2-5, Inuussutissarsiateqarfik Qeqertat, Nuuk

## **Punkt 05B: Kommunitut pilersaarummut tapiliusseq 1A5-2, Tuapannguit, Nuuk, inaarutaasumik akuersissutigineqarnera**

### **Beslutning**

Inassuteqaat akuersissutigineqarpoq.

### **Bilag**

Tusarniaanermut akissutinik suliaqarneq

Tusarniaanermit akissutit

Kommunitut pilersaarummut tapiliusseq, 1A5-2, Tuapannguit, Nuuk

# **Kommunimut pilersaarummut tapiliusseq 1A5-2, Tuapannguit, Nuuk, inaarutaasumik akuersissutigineqarnera**

Aalajangiiffigisassaq

J.nr.: ANL-2019-00021

Sanarfinermut Avatangiisinullu Ingerlatsivik – Pisortaq Hans Henrik Winther Johannsen / HHWJ

## **Suliassamik eqikkaaneq**

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 1A5-2 Tuapannguit, Nuuk, siunnersuut matumuuna saqqummiunneqarpoq. Kommunalbestyrelsip november 2019-imi taamaalilluni pilersaarummut immikkoortumut §32-imi inerteqqut atorunnaarsippaa. Tassa imaappoq, nunaminertat illuliornermillu suliarinninneq ukioq ataatsip missaani unitsinneqassasoq kommunimut pilersaarummut tapiliussap nutaap suliarineqarnerata nalaani.

Kommunimut pilersaarummut tapiliussami aalajangersarneqarpoq immikkoortup ilaa 1A5 inissiaqarfiussasoq ilaqutariit ataatsit illuinik illullu affarleriikkaanik sanaartorfiusoq. Maannakkorpiaq kommunimut pilersaarummut tapiliussamut tunngatillugu piffimmi pisiniarfimmik kioskimilluunniit ingerlatitsisoqaqqusaanngilaaq

Immikkoortup ilaani, illuliortaatsip illullu angissusianik, pisoqqamit nutaamut ikaarsaariarnertaanik ersersitsisumik atatitsisuussaaq. Sanaqqinneqarnerani nutaamilluunniit sanaartornermi illut aappaa affaanik quleriussapput. Nunami sananeqarnissaa ajornanngippat naqqup ataani inimik atorqeersinnaasumik sanasoqarnissaa akuersissutigineqarsinnaavoq.

Sanaartorfissaq ataaseq inissiamut pisortanit pigineqartumut sanaartorfiusussanngortinneqarpoq. Sanaartukkat pioreersut eqqaanni sanaartorfissat sanaffissanngortinneqassapput, pioreersunik alliliinissamut imaluunniit isateriarlugu sanaartornissamut periarfissiisumik. Nunaminertaq sanaartorfissaq ataaseq 150 m<sup>2</sup> angissuseqarpoq taannalu 1½ -mik quleriussaaq.

Matumani kommunimut pilersaarummut tapiliussatut siunnersuut sapaatip-akunnerini 6-imi, piffissami 22. aprili - 3. juuni 2020 tamanut tusarniaassutigineqarpoq. Tusarniaassutiginerata nalaani akissutit sisamaasut tiguneqarput taakkulu taamaallaat oqaaseqatigiinnik minnerusunik allannguuteqartitsinermik kinguneqarput.

Suliaq Sanarfinermut Avatangiisinullu Ataatsimiititap aggustip pingajuanni 2020-mi ataatsimiinnerani oqaluuserineqarpoq, ataatsimiititalu inassuteqaat akuersissutigaa suliarlu inaarutaasumik akuersissutigisassanngorlugu Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ingerlateqqillugu.

## **Inassuteqaat**

Sanarfinermut Avatangiisinullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- kommunimut pilersaarummut tapiliusseq 1A5-2, Tuapannguit, Nuuk, akuersissutigineqassasoq
- suliaq inaarutaasumik akuersissutigisassanngorlugu Kommunalbestyrelsimut ingerlateqqinneqassasoq

## **Suliamik saqqummiussineq**

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 1A5-2 Tuapannguit, Nuuk, siunnersuut matumuuna saqqummiunneqarpoq. Kommunalbestyrelsip november 2019-imi taamaalilluni pilersaarummut immikkoortumut §32-imi inerteqqut atorunnaarsippaa. Tassa imaappoq, nunaminertat illuliornermillu suliarinnineq ukioq ataatsip missaani unitsinneqassasoq kommunimut pilersaarummut tapiliussap nutaap suliarineqarnerata nalaani. Inerteqquteqarnermi qulakkeerniarneqarpoq piffissap akunnerani pilersaarummut nutaami siunertanut akerliusunik pissutsinik pilersitsisoqannginnissaa. Kommunimut pilersaarummut tapiliussatut siunnersuummi uani pineqarpoq immikkoortup ilaa 1A5 illoqarfiup ilaani ilaqutariinnut ataasiakkaanut aamma illut affarleriit ataasiakkaat inissisimaffigisaat. Aammalu inissiaqarfiusuni taamaallaat akuersissuteqarluni inuussutissarsuteqartoqarsinnaavoq. Maannakkorpiaq kommunimut pilersaarummut tapiliussamut tunngatillugu piffimmi pisiniarfimmik kioskimilluunniit ingerlatitsisoqaqqusaanngilaq. Tuapannguit sanaartornermi Nuutoqqamit isikkivimmik aalajangiisuusarpoq. Taamaattumik immikkoortup ilisarnaataata pigiinnarnissaa piffimmi pingaaruteqarpoq. Kommunimut pilersaarummut tapiliussaq una illuliortaatsip illullu angissusii eqqarsaatigalugit, pisoqqamit nutaamut ikaarsaariarnerata attatiinnarneqarnissaanik ersersinneqarnissaanik qulakkeerisuusaaq. Taamaalilluni pilersaarutitut siunnersuut illoqarfiup oqaluttuarisaaneranut atatitsisuusaaq.

Immikkoortumi sanaartorfissiamik ataatsimik nutaamik atugassiisoqassaaq. Taanna taamaallaat pisortat inissiaataannik sanaartornissamut atorneqarsinnaavoq annerpaamik toqqaviata annertussusaa 150 m<sup>2</sup> –iussalluni 1½ etageaassallunilu. Kommunimut pilersaarummut tapilussassatut siunnersuummi siunertarineqarpoq 1A5-2mi illut suut, qanorlu ittut sananeqarsinnaanerannut aalajangersakkanik qulakkeerinissaq. Immikkoortup ilaani siunissami nutaamik imaluunniit sanaqqiinissami, quleriit 1½ toqqavialu 150 m<sup>2</sup>. nunap ilusaata ajornartingippagu, najugarineqarsinnaasumik kiilereqarnissaanut akuersissummik tunniussisoqarsinnaavoq.

#### *Aaqqiissutissatut siunnersuut – suliatigut naliliineq*

Immikkoortup ilaa 1A5 najugaqarfiuinnartussatut ingerlatsivimmit nalilerneqarpoq (A) ilaqutariinnut ataatsinut aammalu affarleriinnik illoqarfiuinnassasut. Illoqarfiup ilaani tamaani illut sanaqqaarneqartut amerlanerit piiarneqarsimagaluartut pingaartuuvoq ataasiakkaanik pukkitsunillu illoqarfiunerata attatiinnarnissaa. Tamannalu oqaluttuarisaanerme Nuup qitiusumik illoqarfiata isikkuanut ilapittuutaavoq. Peqatigitillugu pilersaarutitut siunnersuut ullutsinnut naleqquttumik inissialiornissamut periarfissiivoq.

Pilersaarutitut siunnersuummi sumiiffiup atorneqarnissaanut killiliussat aalajangiusimaneqassapput, Tuapannguimmi tassaagami illoqarfiup pisoqartaanut Nuutoqqamut tunuliaqutaasoq ilisarnarluartoq. Taamaattumik immikkoortup ilaani sanaartoriaaseq illullu angissusai eqqarsaatigalugit illoqarfiup qeqqani pisoqqamit nutaanut ikaarsaariarnerup ingerlateqqinneqarneranik ersersitsisuusaaq.

#### *Aningaasatigut sulisoqarnikkullu naliliinerit*

Kommunimut pilersaarummut tapiliussamik suliaqarneq aningaasaqarnikkut kinguneqarsimanngilaq.

#### *Inatsisitigut tunngavissaq allakkallu tunngaviusumik uppersaatitallit*

- Pilersaarusioneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-meersoq aamma
- Inatsisartut inatsisaat nr. 34, 9. decembari 2015-imeersoq
- Kommunimut pilersaarut digitaliusoq [www.sermersooq2028.gl](http://www.sermersooq2028.gl)

#### *Ingerlariaqqinnissaq*

Matumani kommunimut pilersaarummut tapiliussatut siunnersuutip 1A5-2-p akuersissutigineqarneratigut Illoqarfiup ilaanut pilersaarut 1.27 atorunnaarsinneqassaaq Inaarutaasumik pilersaarut saqqummiunneqassaaq kommunip nittartagaani [www.sermersooq.gl](http://www.sermersooq.gl).

#### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfik oqaaseqaatissaqanngilaq

#### **Innuttaasunik peqataatitsineq/attaveqaqatigiinneq**

Matumani kommunimut pilersaarummut tapiliussatut siunnersuut sapaatip-akunnerini 6-ini, piffissami 22. aprili - 3. juuni 2020 tamanut tusarniaassutigineqarpoq.

Tusarniaassutiginerata nalaani akissutit sisamaasut tiguneqarput taakkulu taamaallaat oqaaseqatigiinnik minnerusunik allannguuteqartitsinermik kinguneqarput.

#### **Ingerlatsivinnit allaniit oqaaseqaatigineqartut**

Soqanngilaq

#### **Siusinnerusukkut aalajangernerit**

*Sanarfinermut Avatangiisinullu Ataatsimiititap aalajangernera 15. aprili 2020-meersoq:*

Inassuteqaat akuersissutigineqarpoq

*Aningaasaqarnermut Inuussutissarsionermullu Ataatsimiititap aalajangernera ulloq 21. aprili 2020-meersoq:*

Inassuteqaat akuersissutigineqarpoq.

*Kommunalbestyrelsip aalajangernera 28. aprili 2020-meersoq:*

Inassuteqaat akuersissutigineqarpoq.

*Sanarfinermut Avatangiisinullu Ataatsimiititap aalajangernera 03. agusti 2020-meersoq:*

Inassuteqaat akuersissutigineqarpoq

#### **Ilanngussat**

1. Tusarniaanermut akissutinik suliaqarneq
2. Tusarniaanermut akissutit
3. Kommunimut pilersaarummut tapiliussaq, 1A5-2, Tuapannguit, Nuuk

**Punkt 05C: Kommunitut pilersaarummut tapiliusseq 2E4-1 Qeqertat /  
Fyrø inaarutaasumik akuersissutigineqarnera**

Oqaluuserisassanit peerneqarpoq

## **Punkt 05D: Utoqqaat pillugit Siunnersuisooqatigiit sulinerisa ingerlanerat pillugu ataavartumik ilisimatitsissuteqarnerit**

### **Beslutning**

Inassuteqaat akuersissutigineqarpoq.

### **Bilag**

Utoqqaat pillugit Siunnersuisooqatigiit ataatsimiinneranit imaqarniliaq 3. juuni 2020-meersoq

## **Utoqqaat pillugit Siunnersuisooqatigiit sulinerisa ingerlanerat pillugu ataavartumik ilisimatitsissuteqarnerit**

Ilisimatitsissut

J.nr.: EMN-2020-24382

Suliffeqarnermut Isumaginninnermullu Ingerlatsivik – Pisortaq Ejner Grønvold / EJGR

### **Suliassamik eqikkaaneq**

Kommuneqarfik Sermersuumi Utoqqaat pillugit Siunnersuisooqatigiivi pingajussaanik ataatsimiinnerat pivoq ulloq 3. juuni 2020.

Ataatsimiinnermi matumani aalajangersimasumik pingasunik oqaluuserisassa qarput:

- Ilisimatitseqatigiinneq
- Ataatsimiinnermit kingullermit malitseqartitsineq
- Utoqqarnut tunngasuni susassa qarfimmi naatsorsoqqissaakkat

Tamatuma saniatigut Kommuneqarfik Sermersuumi puigortunngortunut ataqatigiissaarisoq Lone Isaksen immikkoortoq 3-mi peqataavoq, tassanilu puigortunngortunut tunngatillugu akisussaaffiit anguniakkallu saqqummiuppai. Kingornalu Utoqqaat pillugit Siunnersuisooqatigiit puigortunngortunut tunngasunik apeqquteqarnissaminnut periarfissinneqarput.

Suliaq Suliffeqarnermut Isumaginninnermullu Ataatsimiititami oqaluuserineqarpoq, ulloq augustip 04 -iani 2020-mi, ataatsimiititap innersuussut akuersissutigaa suliarlu Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqillugu.

### **Inassuteqaat**

Suliffeqarnermut Isumaginninnermullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

### **Suliamik saqqummiussineq**

Kommuneqarfik Sermersuumi Utoqqaat pillugit Siunnersuisooqatigiivi pingajussaanik ataatsimiinnerat pivoq ulloq 3. juuni 2020.

Ataatsimiinnermi matumani aalajangersimasumik pingasunik oqaluuserisassa qarput:

- Ilisimatitseqatigiinneq
- Ataatsimiinnermit kingullermit malitseqartitsineq
- Utoqqarnut tunngasuni susassa qarfimmi naatsorsoqqissaakkat

Tamatuma saniatigut Kommuneqarfik Sermersuumi puigortunngortunut ataqatigiissaarisoq Lone Isaksen immikkoortoq 3-mi peqataavoq, tassanilu puigortunngortunut tunngatillugu akisussaaffiit anguniakkallu saqqummiuppai. Kingornalu Utoqqaat pillugit Siunnersuisooqatigiit puigortunngortunut tunngasunik apeqquteqarnissaminnut periarfissinneqarput.

Lone Isaksen puigortunngortunut ataqatigiissaarisup suliai pillugit, tassunga ilanngullugu innuttaasut utoqqaat akornanni puiguttormik nappaateqalersimanissaannik pasitsaassisoqarsimatillugu angerlarsimaffinnut pulaartarneq pillugu, nassuiaateqarpoq. Puigortunngortunut ataqatigiissarisut utoqqaat illuinut pulaartarput, ilaatigullu - utoqqaat illuini aqutsisut suleqatigalugit - soorlu pissaanermik atuisarnermut tunngatillugu sulisunik ilitsersuillutillu ilinniartitsisarlutik.

Puigortunngortunut ataqatigiissaarisut puigortunngorneq pillugu kalaallisut danskisullu quppersagaq suliaaraat, taakkulu Nuummi, Nuussuarmi Qinnngutsinnilu bussit unittarfiinut nivinngarneqarput. Taamatuttaaq paasissutissat taakku Kommuneqarfik Sermersuup nittartagaani pissarsiarineqarsinnaapput.

#### *Aaqqiissutissatut siunnersuut – suliaticigut naliliineq*

Utoqqaat pillugit Siunnersuisooqatigiinni ilaasortat suliamicinnut pingaartitsisupput, Suliffeqarnermut Inuussutissarsiornermullu Ingerlatsivimmut ataavartumik oqaloqatiginnittarlutik. Utoqqaat pillugit Siunnersuisooqatigiinnit suliniutit, isumassarsiat kissaatigineqartullu pillugit ataavartumik paasissutissiisarnerit politikikkut aalajangiinernut arlalinnut iluaqutissartaqarluartut tapertaliunneqarsinnaapput.

#### *Aningaasaticigut sulisoqarnikkullu naliliinerit*

Oqaaseqaateqanngilaq.

#### *Inatsititigut tunngavissaq allakkallu tunngaviumik uppersaaticitallit*

- Kommuneqarfik Sermersuumi Utoqqaat pillugit Siunnersuisooqatigiit ileqqoreqqusaat.
- Utoqqarnut Siunnersuisooqatigiit suleriaasissaat

#### *Ingerlariaqqinnissaq*

Ingerlatsiviup Utoqqaat pillugit Siunnersuisooqatigiit sulinerat pillugu Ataatsimiititamut ataavartumik ilisimatitsissutigisassavaat. Tamatuma saniatigut Utoqqaat pillugit Siunnersuisooqatigiit ataatsimiinnerannit imaqarniliaq kommunip nittartagaani atuarneqarsinnaavoq.

#### **Aningaasaqarnermut Allatseqarfimmit oqaaseqaatic**

Aningaasaqarnermut Allatseqarfimmit oqaaseqartitsisoqanngilaq.

#### **Innuttaasunik peqataatitsineq/attaveqaqatigiinneq**

Oqaaseqaateqanngilaq.

#### **Ingerlatsivinnit allaniit oqaaseqaatigineqartut**

Oqaaseqaateqanngilaq.

#### **Siusinnerusukkat aalajangernerit:**

*Suliffeqarnermut Isumaginninnermullu Ataatsimiititap aalajangernerera aggustip 04-ni 2020-meersoq:*

Inassuteqaat akuersissutigineqarpoq.

#### **Ilanngussat**

1. Utoqqaat pillugit Siunnersuisooqatigiit ataatsimiinneranit imaqarniliaq 3. juuni 2020-meersoq

## **Punkt 05E: Ukioq atuarfusoq 2018/19 pillugu atuarfiit pitsaassuseq pillugu nalunaarusiaat**

### **Beslutning**

Inassuteqaat akuersissutigineqarpoq.

### **Bilag**

Ataatsimut pitsaassutsimik nalunaarusiaq

## **Ukioq atuarfiusoq 2018/19 pillugu atuarfiit pitsaassuseq pillugu nalunaarusiaat**

Ilisimatitsissut

J.nr.: 51.00-G01-435-18

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

### **Suliassamik eqikkaaneq**

Atuarfiit pitsaassuseq pillugu nalunaarusiaat kiisalu ingerlatsiviup atuarfiit pitsaassusii pillugit ataatsimut nalunaarusiaa Meeqqanut Atuarfeqarnermullu Ataatsimiititamut matumuuna saqqummiunneqarput. Atuarfiit pitsaassutsimut nalunaarusiaat, Atuarfik pillugu Inatsisartut inatsisaat nr. 15, 3. december 2012-imeersoq § 49 tunngavigalugu atuarfiit ukioq atuarfiusoq kingulleq nalunaarusiarisartagaannik imaqarput. Tamatuma saniatigut ingerlatsivik atuarfiit pitsaassusii pillugit ataatsimut nalunaarusiornikuuvoq, atuarfiit pitsaassuseq pillugu nalunaarusiaanni pingaernerit naatsumik eqikkaarneqarnerannik imaqartoq.

Suliaq Meeqqanut Atuarfeqarnermullu Ataatsimiititap ulloq aggustip ulluisa 5-at 2020 ataatsimiinnerani oqaluserineqarpoq, tassanilu ataatsimiititamit inassuteqaat akuersissutigineqarpoq suliarlu ilisimatitsissutitut Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ingerlateqqinneqarluni.

### **Inassuteqaat**

Meeqqanut Atuarfeqarnermullu Ataatsimiititap Aningaasaqarnermut Inuussutissarsiornermullu Ataatsimiititamut inassuteqaatigaa:

- ilisimatitsissut tusaatissatut tiguneqassasoq
- suliaq ilisimatitsissutitut Kommunalbestyrelsimut ingerlateqqinneqassasoq

### **Suliamik saqqummiussineq**

Atuarfiit pitsaassutsimut nalunaarusiaat, Atuarfik pillugu Inatsisartut inatsisaat nr. 15, 3. december 2012-imeersoq § 49 tunngavigalugu ukioq atuarfiusoq qaangiuttoq kingullermi trintest, misilitsinnerit iliuusissatullu pilersaarutit allallu imarai. Tamatuma saniatigut ingerlatsivik atuarfiit pitsaassusii pillugit ataatsimut nalunaarusiornikuuvoq, atuarfiit pitsaassuseq pillugu nalunaarusiaanni pingaernerit naatsumik eqikkaarneqarnerannik imaqartoq.

Pitsaassuseq pillugu nalunaarusiani ataasiakkaani atuarfiit ukioq atuarfiusoq 2018/19-imi nassuiaanerat malillugu, ingerlatsiviup qulequtsiussaasa ilaat pillugit suliniutitik nassuiaateqarfigivaat, tamakkulu tunngavigalugit ukioq atuarfiusoq 2018/20-mut anguniagassalersorlutik. Pitsaassuseq pillugu nalunaarusiamiipputtaaq ukiup atuarfiusup kingulliup ingerlanerani anguniakkat malitseqartinneqarnerat kiisalu ukiumi atuarfiusumi anguniakkat pillugit suleriaqqissimaneq. Tamatuma saniatigut alloriarfinni misilitsinnerit aamma inaarutaasumik misilitsinnermi karakterit atuarfinit qitiutinneqarput.

Soraarummeertutaaq ilinniagaqalernissamut inuussutissarsiornermut ilinniagaqalernissamut sumut ingerlariaqqikkusunnerat pitsaassuseq pillugu nalunaarusiami takuneqarsinnaavoq. Kisitsisit ukioq atuarfiusumut siulianut (2017/18) nallersuukkaanni, 2018/19-imi atuartut ilinniagaqalernissaminnut pilersaarusiortut amerleriarsimapput. Siornaak atuartut ilinniagaqalernissaminnut pilersaaruteqartut 73,6 %-iusimapput 2018/19-imilu 1,8 %-imik

amerleriarsimallutik. Ilinniagaqartut suliffeqartullu kisitsisinngorlugit katikkaanni siornaammiit amerleriaqqipputtaaq. 2017/18-imi 83,6 %-ii meeqqat atuarianni soraarummeereerunik ilinniagaqalerniarlutik imaluunniit sulilerniarlutik oqarsimapput. Ukioq atuariusumi 2018/19-imi kisitsisit taakku 86 %-imut amerleriarsimapput.

Ilinniartitsisut, piareersarfinni ilinniartitsisut timelærillu ukioq atuariusoq 2018/2019-imi ima agguataartinneqarput. 2019-imi novembarip qaammataani kisitsisit suliarineqarput.

Atuarfik	Ilinniartitsisut	Piareersarfimmi ilinn.	Timelæreri	Katillugit
<b>Nuuk</b>	254	0	2	256
<b>Kitaa ilanngunnagu Nuuk</b>	30	0	1	31
<b>Tunu</b>	62	2	31	95
<b>Kommuneqarfik Sermersuumi amerlassusaat tamakkerlugit</b>	346	2	34	382

Nuummi ilinniartitsisut 256-iusimapput, taakkunangalu marluk timelæriullutik. Paamiunit, Qeqertarsuatsiaani Kapisilinnilu atorfiit tamarmik ilinniartitsisunit ilinniarsimasunit inuttaqartinneqarsimapput.

Tunumi ilinniartitsisut ilinniarsimasut 62-iusimapput, piareersarfinni ilinniartitsisut marluk timelærillu 31-t.

#### *Aaqqiissutissatut siunnersuut – suliaticigut naliliineq*

Atuartut soraarummeertut 66 %-ii inuusuttuenermi ilinniakkamut kiisalu efterskolernermit il. il. ingerlariaqqipput. Tamatuma saniatigut atuartut 10 %-ii meeqqat atuarianneereermermi kingorna ingerlaannaq sulilerusupput.

Atuartut oqaatsit pillugit atualerniartut taakkuupput inuusuttut ilinniakkamik aallartissimangitsut akornanni kisitsinermi ilaatinneqartut. Ingerlatsivimmit naliliineq naapertorlugu taakku 2 %-erai. Procentinngorlugit naliliinermit katillugit atuartut meeqqat atuariannik naammassinnereersut 78 %-ii ilinniakkamut imaluunniit suliffimmut ingerlaqqipput.

Atuartut ilinniagaqalersimangitsut imaluunniit sulilersimangitsut arlaqartut tassaapput innarluutertik peqqutigalugu allatigulluunniit peqquteqartumik immikkut atuartitaasimasut, tamanna erseqqissassallugu pingaaruteqarpoq.

Kommune tamakkerlugu QAQISA atulersinnissaa siunertaralugu CSR Greenland ingerlatsivimmit ataatsimeeqatigineqarpoq. Atuartut periarfissatik ilisimaarinerulerniassamatigik inuussutissarsionermit tunngasut atuarianni sammeneqarnerunissaat pillugit CSR Greenland suleqatigineqassaaq. Taamaalillutik inuusuttut meeqqat atuariannik naammassinnereertut amerlanerusut ilinniagaqalernissaat anguneqarsinnaavoq.

Aningaasatigut sulisoqarnikkullu naliliinerit  
Soqanngilaq

Inatsisitigut tunngavissaq allakkallu tunngaviusumik uppersaatitallit

- Atuarfik pillugu Inatsisartut inatsisaat nr. 15, 3. december 2012-imeersoq § 49

Ingerlariaqqinnissaq  
Soqanngilaq

## **Aningaasaqarnermut Allatseqarfimmit oqaaseqaatit**

Aningaasaqarnermut Allattoqarfimmit oqaaseqartitsisoqarsimangilaq.

## **Innuttaasunik peqataatitsineq/Attaveqaqatigiinneq**

Innuttaasunik peqataatitsinertaqanngilaq

## **Ingerlatsivinnit allaniit oqaaseqaatigineqartut**

Soqanngilaq

## **Siusinnerusukkut aalajangernerit**

*Meeqqanut Atuarfeqarnermullu Ataatsimiititap aalajangernera 05. aggusti 2020-meersoq:*

Inassuteqaat akuersissutigineqarpoq

## **Ilanngussat**

1. Ataatsimut pitsaassutsimik nalunaarusiaq

## **Punkt 05F: 2020-mi Ikiorsiissuteqarnermut tunngasuni suliat allaaserineqarnerat**

### **Beslutning**

Inassuteqaat akuersissutigineqarpoq.

### **Bilag**

Suliat allaaserineqarnerat 2020

## **2020-mi Ikorsiissuteqarnermut tunngasuni suliat allaaserineqarnerat**

Pitsaaliuineranut Immikkoortortaq aamma Meeqqanut Ilaqutariinnullu Katsorsaaneq pillugit suliat allaaserineqarnerisa allattorsimaffiat

Aalajangiiffigisassaq

J.nr.: 42.00

Meeqqanut Ilaqutariinnullu Ingerlatsivik – Pisortaq Martha Lund Olsen / MLOL

### **Suliassamik eqikkaaneq**

Meeqqanut Ilaqutariinnullu Ingerlatsiviup innuttaasunut ikorsiissutitigut neqeroorutigisartagai ersarissarnerutinniarlugit, Nuummi Paamiunilu ikorsiissuteqarnermi neqeroorutit tamaasa suliatigut allaaserineqarput.

Suliat allaaserineqarneratigut innuttaasut ikiorserneqarnissaannut innersuussisarnerit malittarisassaliorfigineqassapput, aamma immikkoortuni tamani inatsimmut ikorfartuutaassalluni

Suliaq Meeqqanut Ilaqutariinnullu Ataatsimiititap aggustip arfernanni 2020-mi ataatsimiinnerani oqaluuserineqarpoq, ataatsimiititallu inassuteqaat akuersissutigaa suliarlu aalajangiiffigisassanngorlugu Aningaasaqarnermut Inuussutissarsiornermullu Ataatsimiititamat kiisalu Kommunalbestyrelsimut ingerlateqqillugu.

### **Inassuteqaat**

Meeqqanut Ilaqutariinnullu Ingerlatsiviup Aningaasaqarnermut Inuussutissarsiornermullu

Ataatsimiititamat inassuteqaatigaa:

- 2020-mi Ikorsiissuteqartarfimmut tunngasuni suliat allaaserineqarnerat akuersissutigineqassasut
- suliaq aalajangiiffigisassatut Kommunalbestyrelsimut ingerlateqqinneqassasoq

### **Suliamik saqqummiussineq**

Pitsaaliuineranut katsorsaaneermullu tunngatillugu Kommuneqarfik Sermersuup Nuummi Paamiunilu ikorsiissutitit periarfissiissutai, aamma malittarisassatigut qanoq ikorsiissutigineqarsinnaaneri pillugit suliat allaaserineqarneratigut ersarissamik nassuiaatigineqarput. Suliat allaaserineqarnerisa tamarmik imarisaat makkuupput:

- Inatsisitigut tunngavissaq, siunertaq, sullitat, innersuussinissamat tunngavissaq, imarisaq, sivirususeq, periaaseq, malitseqartitsinissamat piumasaqaat, pisiortorfik, nakkutilliinissamat piumasaqaat, naammagittaalliteqarnissamat ilitsersuut.

### **Aaqqiissutissatut siunnersuut – suliatigut naliliineq**

Suliat allaaserineqarneri naapertorlugit ikorsiissutit imarisaanik nassuiaatitaqarmata sulisunit innuttaasunillu sakkussatut atorineqarsinnaapput. Assersuutigalugu innuttaasut pisariaqartitaannut ilungersuutaannullu naapertuuttumik neqeroorfiginissaannut oqartussaqaqfimmi sullissisumut innersuussinissaq ajornaannerulissaaq.

### **Aningaasatigut sulisoqarnikkullu naliliinerit**

Kiffartuussinissaq qanoq ittoq aalajangersarneqareerpat aningaasatigut killissarititaasut qanoq ittut pisariaqartinneqarnerisut aamma suliat allaaserineqarneratigut ersarissarneqassaaq, immikkoortoq pillugu inatsit takuuk.

### **Inatsisitigut tunngavissaq allakkallu tunngaviusumik uppersaataitallit**

- o "Meeqqat tapersorsorneqarnissaannut Inatsisartut inatsisaat nr. 20, 26. juni 2017-imeersoq"

- "Meeqqat tapersorsorneqarnissaannut Namminersorlutik Oqartussat nalunaarutaat nr. 16, 8. novembari 2017-imeersoq"
- "Qimarnguiit pillugit Namminersornerullutik Oqartussat nalunaarutaat nr. 18, 8. december 2004-imeersoq"
- "Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersoq"
- "Ilaqutariit paarsisartut pillugit Namminersorlutik Oqartussat nalunaarutaat nr. 13, 10. oktober 2019-imeersoq"

*Ingerlariaqqinnissaq*

Soqanngilaq

**Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfik oqaaseqaatissaqanngilaq

**Innuttaasunik peqataatitsineq/attaveqaqatigiinneq**

Soqanngilaq

**Ingerlatsivinnit allaniit oqaaseqaatigineqartut**

Oqaaseqaateqartitisoqanngilaq

**Siusinnerusukkut aalajangernerit**

*Meeqqanut Ilaqutariinnut Atuarfeqarnermullu Ataatsimiititap aalajangernerit 6. juuni 2020-meersoq:*

Inassuteqaat akuersissutigineqarpoq

**Ilanngussat**

1. Suliat allaaserineqarnerat 2020

## **Punkt 05G: Imigassaq pillugu politikkip nutarterneqarnera**

### **Beslutning**

Inassuteqaat akuersissutigineqarpoq.

### **Bilag**

Imigassaq pillugu politikkip nutarterneqarnera

## **Imigassaq pillugu politikkip nutarterneqarnera**

Aalajangiiffigisassaq

J.nr.: EMN-2020-04479

Suliffeqarfimmum Kiffartuussivik - Vicekommunaldirektøri Marie Fleischer / MAFL

### **Suliassamik eqikkaaneq**

Suliffeqarfimmik Kiffartuussivik imigassaq pillugu politikkip nutarterilluni suliaqarpoq. Politikki politikkipit siusinnerusukkut atuuttumit allaanerungaangilaq, ullumikkulli inatsisinut maleruaqqusanullu atuuttunut kiisalu inuiaqatigiinni pissutsinut naapertuussarneqarluni.

### **Inassuteqaat**

Suliffeqarfimmum Kiffartuussiviup Aningaasaqarnermut Inuussutissarsionermullu Ataatsimiititatum inassuteqaatigaa:

- imigassaq pillugu politikki nutartigaq akuersissutigineqassasoq
- suliaq aalajangiiffigisassatut Kommunalbestyrelsimut ingerlateqqinneqassasoq

### **Suliamik saqqummiussineq**

Kommuneqarfik Sermersuup imigassaq pillugu politikkip kingulleq 2010-mi akuersissutigineqarlunilu saqqummiunneqarpoq.

Politikkip taanna immikkoortitigaanermigut, qulequtsersugaanermigut ilitsersuutitalersugaanermigullu maannakkut imigassaq pillugu politikkipissatut siunnersuutigineqartumut annertunersaa assinguvoq. Taamaalilluni nutaatut siunnersuut politikkipimut kommunalbestyrelsip siornatigut akuersissutigisaanut imarisamigut allaanerungaangilaq.

Allannguinerit annertunersai Namminersorlutik Oqartussat imigassaq pillugu inatsimmik nutarterinerisa kingunerivai.

Imigassaq pillugu inatsisip nutaap kingunerisaanik suleriutsit politikkipimi allaaserineqartut arlaqartut allannguutaat ingerlatsivimmi sulinermi atuutilersinneqareerput.

*Aaqqiissutissatut siunnersuut – suliatigut naliliineq*

Pisariaqangilaq.

*Aningaasatigut sulisoqarnikkullu naliliinerit*

Politikkipissatut siunnersuut aningaasatigut sulisoqarnikkullu allannguisitsissangilaq.

*Inatsisitigut tunngavissaq allakkallu tunngaviusumik uppersaataitallit*

- o Aalakoornartut pillugit Inatsisartut inatsisaat nr. 35, 23. november 2017-imeersoq.
- o Imigassaq pillugu Inatsisartut inatsisaata allanngortinneqarnera pillugu Inatsisartut inatsisaat nr. 9, 12. juni 2019-imeersoq

*Ingerlariaqqinnissaq*

Politikkip akuersissutigineqarpat attuumassutilimmik soqutigisaqatigiinnut kikkunnulluunniit takuneqariaannangorlugu tamanut saqqummiunneqassaaq.

**Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfik oqaaseqartinniarneqangilaq.

**Innuttaasunik peqataatitsineq/attaveqatigiinneq**

Nutarterinerinnaq pineqarmat innuttaasunik peqataatitsineq ingerlanneqanngilaq.

**Ingerlatsivinnit allaniit oqaaseqaatigineqartut**  
Soqanngilaq

**Ilanngussat**

1. Imigassaq pillugu politikkissatut nutaatut siunnersuut

## **Punkt 05H: Ejnar Mikkelsens Østgrønlandsfondimut kiisalu Nuummi Illorsuaq Timersortarfimmumut (NIT) siulersuisunut ilaasortanik qinersineq**

### **Beslutning**

Jens Kristian Berthelsen (S) ini qimappaa.

Inassuteqaat akuersissutigineqarpoq ima oqaasertalerlugu:

Inassuteqaammumut siullermum Charlotte Pike toqqarneqarpoq.

Inassuteqaatit aappaat akuerissutigineqarluni sinniisussatut Lennart Hansen toqqarneqarpoq.

### **Bilag**

Naja Mikkelsenip, Ejner Mikkelsens Østgrønlandsfondimeersup saaffiginnissutaa DK

Hans Boassenip, Nuummi Illorsuaq Timersortarfimmeersup saaffiginnissutaa DK

## **Ejnar Mikkelsens Østgrønlandsfondimut kiisalu Nuummi Illorsuaq Timersortarfimmumut (NIT) siulersuisunumut ilaasortanik qinersineq**

Aalajangiiffigisassaq

J.nr.: 01.04.49

Suliffeqarfimmumut Kiffartuussivik - Vicekommunaldirektøri Marie Fleischer / MAFL

### **Suliassamik eqikkaaneq**

Kommunalbestyrelsep 2. maaji 2017 inissitsiterluni ataatsimiinneranut atatillugu aningaasaateqarfimmi siulersuisoqarfimmi siulersuisuni ilaasortanik sinniisussanillu nutaanik Kommunalbestyrelse qinersivoq.

Ejnar Mikkelsens Østgrønlandsfondimi siulersuisuni ilaasortassatut qinerneqarsimasoq, Knud Mathiassen, siulersuisunit ilaasortaanerminut tunuarniarluni nalunaarsimavoq. Taamaammatt Kommunalbestyrelse siulersuisuni ilaasortamik nutaanik qinersisussaavoq.

Tamatuma saniatigut Nuummi Illorsuaq Timersortarfimmi (NIT) siulersuisunumut ilaasortatut toqqarneqarsimasoq, Jens-Frederik Nielsen, siulersuisunit tunuarniarluni nalunaarpoq. Tamanna ima isumaqarpoq, Kommuneqarfik Sermersuumit sinniisussatut toqqarneqartoq, Poul Larsen Petersen, maanna siulersuisunumut ilaasortanngussammat. Kommunalbestyrelse Poul Larsen Petersenimut, siulersuisunumut ilaasortanngortussamut, sinniisussamik toqqaassaaq.

### **Inassuteqaat**

Suliffeqarfimmumut Kiffartuussiviup Aningaasaqarnermut Inuussutissarsiornermullu Ataatsimiititumut inassuteqaatiga:

- Ejnar Mikkelsens Østgrønlandsfondimut siulersunumut ilaasortamik nutaanik toqqaasoqassasoq
- Nuummi Illorsuaq Timersortarfimmumut (NIT) siulersuisunumut ilaasortamut Poul Larsen Petersenimut sinniisussamik toqqaasoqassasoq
- suliaq Kommunalbestyrelsimut akuersissutigisassanngorlugu ingerlateqqinneqassasoq

### **Suliamik saqqummiussineq**

Kommunalbestyrelsep 2. maaji 2017 inissitsiterluni ataatsimiinneranut atatillugu aningaasaateqarfimmi siulersuisoqarfimmi siulersuisuni ilaasortanik sinniisussanillu nutaanik Kommunalbestyrelse qinersivoq.

Ejnar Mikkelsens Østgrønlandsfondimi siulersuisuni ilaasortassatut qinerneqarsimasoq, Knud Mathiassen, siulersuisunit ilaasortaanerminut tunuarniarluni nalunaarsimavoq. Taamaammatt Kommunalbestyrelse siulersuisuni ilaasortamik nutaanik qinersisussaavoq.

Tamatuma saniatigut Nuummi Illorsuaq Timersortarfimmi (NIT) siulersuisunumut ilaasortatut toqqarneqarsimasoq, Jens-Frederik Nielsen, siulersuisunit tunuarniarluni nalunaarpoq. Tamanna ima isumaqarpoq, Kommuneqarfik Sermersuumit sinniisussatut toqqarneqartoq, Poul Larsen Petersen, maanna siulersuisunumut ilaasortanngussammat. Kommunalbestyrelse Poul Larsen Petersenimut, siulersuisunumut ilaasortanngortussamut, sinniisussamik toqqaassaaq.

*Aaqqiissutissatut siunnersuut – suliatigut naliliineq*

Kommunalbestyrelse Ejner Mikkelsens Østgrønlandsfondimi siulersuisunut ilaasortamik toqqaassaaq, Kommuneqarfik Sermersooq sinnerlugu siulersuisunut ilaasortaasussamik.

Kommunalbestyrelse Nuummi Illorsuaq Timersortarfimmi (NIT) siulersuisuini ilaasortamut Poul Larsen Petersenimut sinniisussamik toqqaassaaq, taannalu Kommunalbestyrelsimi ilaasortaasariaqanngilaq.

*Inatsisitigut tunngavissaq allakkallu tunngaviusumik uppersaatitallit*

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersumi §31 innersuussutigalugu

*Ingerlariaqqinnissaq*

Kommunalbestyrelsip aalajangenera Aqutsisoqatigiit Allatseqarfianit allaffissornikkut suliarineqassaaq.

**Aningaasaqarnermut Allatseqarfimmit oqaaseqaatit**

Pingaaruteqanngilaq.

**Innuttaasunik peqataatitsineq/attaveqaqatigiinneq**

Pingaaruteqanngilaq.

**Ingerlatsivinnit allaniit oqaaseqaatigineqartut**

Pingaaruteqanngilaq.

**Ilanngussat**

1. Naja Mikkelsenip, Ejner Mikkelsens Østgrønlandsfondimeersup saaffiginnissutaa
2. Hans Boassenip, Nuummi Illorsuaq Timersortarfimmeersup saaffiginnissutaa

## **Punkt 05I: 2020-mi ukiup affaanut naatsorsuutit**

### **Beslutning**

Inassuteqaat akuersissutigineqarpoq.

### **Bilag**

Ukiup affaanut naatsorsuutit

## 2020-mi ukiup affaanut naatsorsuutit

Aalajangiiffigisassaq

J.nr.: 06.03.01

Suliffeqarfimmut Kiffartuussivik – Kommunaldirektøri Lars Møller-Sørensen / LMS

Suliffeqarfimmut Kiffartuussivik - Vicekommunaldirektøri Marie Fleischer / MAFL

Meeqqanut Atuarfeqarnermullu Ingerlatsivik – Pisortaq Lone Nukaaraq Møller / LNM

Meeqqanut Ilaqutariinnullu Ingerlatsivik - Pisortaq Martha Lund Olsen / MLOL

Suliffeqarnermut Isumagininnermullu Ingerlatsivik – Pisortaq Ejner Grønvold / EJGR

Sanarfinermut Avatangiisinullu Ingerlatsivik – Pisortaq, Hans Henrik Winther Johannsen / HHWJ

### Suliassamik eqikkaaneq

2020-mi 1/1-miit 30/6-mut Kommuneqarfik Sermersuumi ukiup affaanut naatsorsuutit matumuuna saqqummiunneqarput, tak. ilanngussaq 1.

Ukiup affaanut naatsorsuutini angusat naatsorsornerini 69,9 mio. koruuninik katillugit sinneqartooruteqartoqarpoq.

TB1 malillugu missingersuutit ukiup affaanut 21,4 mio. koruuninik sinneqartooruteqarnissaq naatsorsuutigineqarsimavoq.

Ukiup affaanut angusat taamaalillutik 48,5 mio. koruuninik naatsorsuutigisamik pitsaanerupput, ukiup affaanut missingersuutit takukkit.

Angusat makkuupput:

- Ukiup affaani ingerlatsinermi 16,9 mio. koruuninik atuivallaartoqarpoq / isertitakinnerusoqarpoq.
- Sanaartornermi 65,3 mio. koruuninik atuinikinneruneq.

Tamanna 2020-mi ukiup affaanut missingersuutinut iluarsisanut sanilliullugu ukiup affaanut 48,5 mio. koruuninik ilanngaatit ilanngaatigereerlugit atuinikkerusoqarluni, TB1-p kingorna taamatut takuneqarsinnaalluni.

Ingerlatsiviit TB2 maannakkut suliaralugu ingerlappaat. Naammassineqarpat ukiumut inaarutaasumik angusat missingersorlugit nalilerneqarsinnaalissapput.

### Inassuteqaat

Suliffeqarfimmut Kiffartuussiviup Aningaasaqarnermut Inuussutissarsiornermullu Ataatsimiititamut inassuteqaatigaa:

- ukiup affaanut naatsorsuutit akuersissutigineqassasut
- suliaq inaarutaasumik akuerineqarnissaanut Kommunalbestyrelsimut ingerlateqqinneqassasq

### Suliamik saqqummiussineq

Kommuneqarfik Sermersuumi 2020-mi aningaasaqarnermut tunngasuni ukiup affaa siulleg isumatusaartumik aallartippoq. Maannakkorpiaq aningaasaliiffigineqartartut amerlanersaanni missingersuutit naatsorsuutigisallu malinneqarnerat paasinarsisippaat. Covid-19-imik tunillaassuunnerup tamatumalu malitsigisaanik Kalaallit Nunaata matuneqarnerata kingunerisaanik naatsorsuutaasimangitsunik Kommuneqarfik Sermersuumut aningaasartuuteqarnerunernik aningaasartuutikinnerunernillu kinguneqarsimavoq, saniatigullu 2019-imi ukiaanerani 2020-mut

missingersuusiorderup kingorna immikkoortut ilaat kommunimit ilisimasaqarfigineqarnerulersimapput.

Covid-19-ip kingunerisaanik aningaasanik tigorianaannarnut sunniutaasussat poorski sioqqutilaarlugu kommunip missiliutaasa takutippaat, kommune qaammatini sisamani tullerni 188 mio. koruunik aningaasanik tigorianaannarnik tiguisoqarnissaa naatsorsuutigineqassasoq, tassa imaappoq ulloq 30/6 kommunip karsiani 44 mio. koruunit nalinganik amigartooruteqassasoq. Tamatuma saniatigut Covid-19 2020-mi aningaasaqarnikkut ingerlanerliortitsinissaa naatsorsuutigineqarpoq, tamannalu minnerpaamik 2021-p tungaanut sivilunermilluunniit taamaannissaa naatsorsuutigineqartariaqarluni.

Naak Kalaallit Nunaannik matusisoqaraluartoq, kisitsisit siullermik ilimagineqartumit taamak ajortigisimangillat. Corona pissutigalugu matusinerup aallartinnerani, suliffissaaleqisut piffissami sivikitsumi qaammatini marlussunni 100-nik amerleriarsimapput. Tamatuma kingorna suliffissaaleqineq patajaannerulersimavoq. Taamaattorli angerlarsimaffeqanngitsunut suliniutinut aningaasartuutit suli amerlapput, Covid-19 pissutigalugu arlalinnik maleruagassaartoqarnera pissutigalugu.

Ukiup 2020-p aallartinneranit qaammatini siullerni arfinilinni aallartilluarsimanerput assigiinngitsutigut takuneqarsinnaavoq. Taamaallutik sulisinnaasut amerleriarsimapput, taamatullu missingersuutaqaartunit 2020-mi akileraartunit isertitassat amerlanerussasut akileraartarnermut aqutsisoqarfimmiit nalunaarutigineqarpoq. Tamanna pivoq covid-19 pissutigalugu killilersuisoqaraluartoq. Pissutsit marluusut takutippaat Kommuneqarfik Sermersuumi suli ingerlarsortoqartoq, ilaatigut kommunimi ajornartoortoqartillugu aqutsisoqarnerata kingunerisaanik.

#### Tunuliaqutaa / 2020-mut missingersuutinut tunngaviit aalajangersimasut:

Kommuneqarfik Sermersuumi aningaasaliissutissanut najoqqutat aalajangiunneqarsimapput tunngaviit pingaarnert makku malillugit anguniagassanik najoqqutassanillu aqutsinernik tunngaveqartut:

1. Karsimiittussat 6%-iussasut.
2. Sanaartornermut minnerpaamik 200 mio. koruunit immikkoortinneqassasut - tassannga ilaatigut kommunip ingerlatseqatigiiffiinit sanaartukkanut aningaasartuutit akilerneqartassapput

1-mut:

Karsimiittuutigineqartussat 6 %-it kommunip ingerlatsineranut sanaartorneranullu ataatsimut aningaasartuutai 121,9 million koruuniupput.

Kommunip aningaasaatai tigorianaanaat, naatsorsorneqarsimasut Namminersorlutik Oqartussat malittarisassaata naapertorlugit, ulloq 30. juuni 2020-miit amerlassuseqarput 300,6 million koruunit.

Kommuneqarfik Sermersuup taamaalluni karsimiittuutigisassatut nammineq maleruagassiani 2020-mi juunip naanerani malippai.

Kommunip maannakkut aningaasanik tigorianaanaateqarnera kommunit missingersuusiortarnerat, aningaasanik tigorianaanaateqarnerat, naatsorsuutaat, kukkunersuisoqarnerat il. il. pillugit Namminersorlutik Oqartussat nalunaarutaanut naapertuuppoq. Tassani aalajangersarneqarpoq kommunit qaquguluunniit aningaasanik tigorianaannarnik peqassasut, akiligassanut ingerlaavartunut naammattunik, maannakkullu taamatut tigorianaanaateqarnikkut tamanna malinneqarpoq.

2-mut:

Sanaartornermi 2020-mut missingersuutit iluarsisat 270 mio. koruuningajaapput, tamatumanilu piumasagaat malinneqarpoq.

Kommuneqarfik Sermersuumi 2020-mi aningaasaqarnermut tunngasuni ukiup affaa siulleq aallartilluarpoq. Maannakkorpiaq aningaasaliiffineqartartut amerlanersaanni missingersuutit naatsorsuutigisallu malinneqarnerat paasinarsisippaat.

COVID-19-imik tunillaassuunnerup tamatumalu malitsigisaanik Kalaallit Nunaata matuneqarnerata kingunerisaanik naatsorsuutaasimannigitsunik Kommuneqarfik Sermersuumut aningaasartuuteqarnerunernik aningaasartuutikinnerunernillu kinguneqarsimavoq, saniatigullu 2019-imi ukiaanerani 2020-mut missingersuusionerup kingorna immikkoortut ilaat kommunimit ilisimasaqarfigineqarnerulersimapput.

Naak Kalaallit Nunaannik matusisoqaraluortoq, kisitsisit siullermik ilimagineqartumit taamak ajortigisimannigillat. Corona pissutigalugu matusinerup aallartinnerani, suliffissaaleqisut piffissami sivikitsumi qaammatini marlussunni 100-nik amerleriarsimapput. Tamatuma kingorna suliffissaaleqineq patajaannerulersimavoq. Taamaattorli angerlarsimaffeqanngitsunut suliniutinut aningaasartuutit sulii amerlapput, Covid-19 pissutigalugu arlalinnik maleruagassaqaartoqarnera pissutigalugu.

Ukiup aallartinneraniit qaammatit siulliit arfinillit ingerlaneranni 2020-mi aallartilluarsimanerput assigiinngitsutigut takuneqarsinnaavoq. Kisitsisit takutippaat, sulisinnaasut amerleriarsimasut, taamatullu missingersuutaqaartunit 2020-mi akileraarutinit isertitassat amerlanerussasut akileraarnermut aqutsisoqarfimmiit nalunaarutigineqarpoq. Tamanna pivoq covid-19 pissutigalugu killilersuisoqaraluortoq. Pissutsit taaneqartut marluk Kommuneqarfik Sermersooq ingerlalluortoq takutippaat. Sulisut amerlanerulerput, aamma suliassaqaqarfinni arlalinni allani malitsigisamik kinguneqartumik.

Tamaat isigalugu kommune aallartilluarpoq, naak upernaap ingerlanerani COVID-19 eqqarsaatigalugu oqimaakulukkaluortoq.

TB2-mut atatillugu ukiumi inaarutaasumik inerniliunneqartussaq missiliuusionerqarumaarpoq.

Siuliini kisitsisit takutippaat 2020-mi ukiup affaata siulliup ingerlanerani ingerlatsinermut tunngatillugu atuivallaartoqartoq. Ukiup affaanut angusat innersuussutigalugit misilittakkat naapertorlugit sanaartortoqarnerpaatillugu 2020-p affaani kingullermi siulittuutigineqartutut sanaartornermut aningaasaliissutit tamarmik atorineqassanersut sulii nalilersuisoqanngitsooq 2020-mi ingerlatsinermut missingersuutit qaangernagit malinneqassanersut maannakkut nalilissallugit ajornakusoorpoq.

TB2-p sularineqarnera naammassippat, tamatumani angusat politikinerinut saqqummiunneqassapput, aammattaaq 2021-mut missingersuutininut atorussaniitinneqarumaarlutik.

## Naggasiineq:

Taamaattumik aallaqqaataaniit kommune ingerlalluarpoq. Ukiup affaanut naatsorsuutunik saqqummiussinissaq pingaartinneqarpoq. TB2-mut atatillugu ukiumi inaarutaasumik inerniliunneqartussa q missiliuusionneqarumaarpoq.

*Aaqqiissutissatut siunnersuut – suliatigut naliliineq*  
Soqanngilaq

*Aningaasatigut sulisoqarnikkullu naliliinerit*  
Soqanngilaq

*Inatsisitigut tunngavissaq allakkallu tunngaviusumik uppersaatitallit*

- Kommunit aqunneqarnerat pillugu Inatsisartut inatsisaat nr. 22, 18. november 2010-meersoq
- Kommunit Namminersorlutillu Oqartussat missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-imeersoq.

### **Aningaasaqarnermut Allatseqarfimmit oqaaseqaatit**

Aningaasaqarnermut Allatseqarfik ukiup affaanut nalunaarusiami oqaaseqaatigineqartut saniatigut allanik oqaaseqaatissaqanngilaq.

**Innuttaasunik peqataatitsineq/attaveqaqatigiinneq**  
Naleqqutinngilaq.

**Ingerlatsivinnit allaniit oqaaseqaatigineqartut**  
Naleqqutinngilaq.

### **Ilanngussat**

1. Ukiup affaanut naatsorsuutit

# **Punkt 05J: Oqaluuserisassanut tapiliusseq - Nuummi Hans Egedep eqqaassutissaata inissisimanera pillugu innuttaasunik peqataatitsinerup suliarineqarnerata ingerlanera**

## **Beslutning**

Inassuteqaat akuersissutigineqarpoq.

## **Bilag**

Hans Egedep eqqaassutissaata inissisimanera pillugu taasinnermit inernerit takussutissartaat

Hans Egedep eqqaassutissaa pillugu ulloq 21. juuli 2020-mi Katuami oqaloqatigiinnertalimmik ataatsimiinnermit imaqarniliaq.

Hans Egedep eqqaassutissaata inissisimaffianut qaqqamut periarfissanut allanut isummersuutit siunnersuutaasut (titartakkat).

## Oqaluuserisassanut tapiliusaaq

### Nuummi Hans Egedep eqqaassutissaata inissisimanagera pillugu innuttaasunik peqataatitsinerup suliarineqarnerata ingerlanera

Ilisimatitsissut

J.nr.: 00.01

Suliffeqarfimmut Kiffartuussivik – Kommunaldirektøri Lars Møller-Sørensen / LMS

#### Suliassamik eqikkaaneq

Suliamik saqqummiussinermi matumani Nuummi Hans Egedep eqqaassutissaata inissisimanagera pillugu innuttaasunik peqataatitsinerup suliarineqarnerata ingerlanera taasititsinerullu inernera Aningaasaqarnermut Avatangiisinullu Ataatsimiititamat eqikkarneqarput. Peqataatitsilluni suliaq ingerlanneqarpoq piffissami 3. juuli – 1. septembari 2020.

Suliat ingerlanneqarnerani Hans Egedep eqqaassutissaa pillugu tamanit oqaluuserineqarnissaanut periarfissiinissaq kiisalu eqqaassutissap inissisimanagerani tassaniiginnassanersoq peerneqassanersorluunniit taasititsinikkut innuttaasut peqataatinneqarnissaa siunertaavoq. Taasinerit akornanni ersarilluinnartumik Hans Egedep eqqaassutissaa inimiiginnassasoq amerlanerussuteqartut taasisutigisimagaat takutippaat. Peqataatitsinermik suliaqarnerup takutippaa, Hans Egedep eqqaassutissaa pillugu tamanit oqallinneq eqqaassutissap inissisimanageranut taamaallaat tunnganngitsoq, naatsorsuutigineqartariaqarporlu tamanit oqallisigineqarnera sulii ingerlaqqaassasoq.

#### Inassuteqaat

Suliffeqarfimmut Kiffartuussiviup Aningaasaqarnermut Inuussutissarsionermullu Ataatsimiititamat inassuteqaatigaa:

- ilisimatitsissut tusaatissatut tiguneqassasoq
- suliaq ilisimatitsissutit Kommunalbestyrelsimut ingerlateqqinneqassasoq

#### Suliamik saqqummiussineq

##### *Peqataatitsinermik suliaqarnerup tunuliaqutaa*

Eqqaassutissaaq 1922-mi inuit namminersorlutik katersiniareernerisa kingorna napparneqarpoq. Nappaanersiorneqarnerani illoqarfiup innuttaasunut tunniunneqarpoq. Eqqaassutissap akisussaaffigineqarnera 1953-ip tungaanut KGH-miippoq, tamatuma kingorna akisussaaffik Nuup Kommunanut tunniunneqarluni. Ukioq manna inuiattut ullorsionermi ulloq 21. juunimi Hans Egedep eqqaassutissaa qalipaammik aappaluttumik kuerarneqarnerata kingorna eqqaassutissap siunissami qanoq pineqarnissaanik oqallinneq aallartippoq. Tamanna tunngavigalugu peqataatitsilluni suliaq ingerlanneqarpoq, piffissami 3. juuli – 10. agusti 2020.

Hans Egedep eqqaassutissaa pillugu Nuummi innuttaasut akornanni oqallisigineqarnissaanut periarfissiinissaq siunertaavoq, tassani qanorluunniit isumaqaraanni isummat annerneqarsinnaapput, avitseqatigiittoqarsinnaavoq isummallu assigiinngitsut oqaluuseralugit. Innuttaasut tamanut oqallitsitsinermit taasinerimullu assigiinngitsunik periarfissaqarnerat pingaarnertut immikkut eqqumaffiginiarneqarsimavoq. Sapinngisamik amerlanerit anguniarlugit naapeqatigiilluni internetikkullu periarfissat peqataatitsinerimi atorneqarput; tassunga ilanngullugit allakkatigit internetikkullu isaaffikkut Kommuneqarfiga aqutugalugu taasinissamat periarfissiisoqarpoq; Katuami ammasumik ataatsimiititsilluni oqallitsitsisoqarpoq, aammalu utoqqarnut, kiisalu meeqqanut inuusuttunullu immikkut iliuuseqarluni peqataatitsisoqarluni.

##### *Tamanut taasititsineq*

Eqqaassutissaaq inissisimaffimmini tassaniiginnassanersoq nuunneqassanersorluunniit pillugu taasititsineq piffissami 3. – 21. juuli 2020 ingerlanneqarpoq. Nuummi innuttaasut kommunip

digitalimik innuttaasunut peqataatitsinermut naapeqatigiittarfiatigut Kommuneqarfiga atorlugu kiisalu allakkatigut taasisinnaasimapput. Utoqqaat illui suleqatigalugit utoqqaat taasinissaminnut ajornanngitsumik periarfissaqarsimapput. Internetikkut allakkatigut taasinermilu innuttaasut akissutiminnut atatillugu isummatik tunngavilersornissaannut periarfissinneqarsimapput. Taasititsinermili eqqaassutissap nuunneqassanersoq nuunneqassanngitsorluunniit taamaallaat pineqarsimavoq.

Nuummi innuttaasut katillugit 1.649-t taasititsinermut peqataapput. Innuttaasut 1023-t (taasinerit 62,04%-i) Hans Egedep eqqaassutissaa inimiiginnassasoq taasipput. Innuttaasut 626-t (taasinerit 37,96%-i) eqqaassutissap nuunneqarnissaanut taasipput.

Hans Egedep nuunneqarnissaanut taasinermi amerlanerussuteqartoqarsimassagaluarpat suliaqarneq immikkoortumik ataatsimik ilaneqarsimassagaluarpoq, tassani innuttaasut eqqaassutissap inissisimaffissaanik isummersortinneqarsimassagaluarlutik kiisalu qaqqap qaava sumut allamut atorneqassanersoq isummersortinneqarlutik. Immikkoortorli taanna sulinermi atorunnaarsinneqarpoq eqqaassutissap nuunneqarnissaanut akerliusut amerlanerussuteqarmata. Taasinerit tamarmik inunnik nalunaarsuiffikkut kiisalu databaset ammasut aqqutigalugit misissorneqarput. Taasinerit katinnerannit 1,5%-it (katillugit inuit 24-it) uppersarneqarsinnaasimangillat. Taasinerit 13,8%-i (inuit 228-t) Kommuneqarfik Sermersuup avataani najugalinnit, Nuummulli attuumassuteqartunit, taasissutigineqartuupput. Taakkuninnga taasinernik atorunnaarsitsineq taasinerup inerneranut allannguutaassanngilaq, ersarissumik amerlanerussuteqartut Hans Egedep eqqaassutissaata inissisimaffianiiginnarnissaanut taasisimammata.

(Taasinerit inernerinut takussutissamut atatillugu - takuuk llanngussaq 1).

#### *Ammasumik oqaloqatigiinnertalimmik ataatsimiinneq*

Tamanut taasititsinermut ilassutissatut Nuummi innuttaasut Katuamut oqaloqatigiinnertalimmik ataatsimiinnissamut qaaqquneqarput. Tassani Hans Egede pillugu oqaluttuarisaaneq toqqammavigalugu saqqummiisoqarpoq gruppikkuutaarlunilu oqallinnissamut periarfissaqarlunilu isummat ataatsimoorluni saqqummiunneqarlutik. Inuusuttut utoqqaallu najuupput, kikkullu tamarmik oqallinnermut peqataanissaminnut isummersornissaminnullu periarfissinneqarput. (Oqaloqatigiinnertalimmik ataatsimiinnermit imaqarniliaq pillugu llanngussaq 2 takuuk).

#### *Meeqqanit inuusuttunillu isummersuutit*

Suliap ingerlanneqarnerani meeqqat inuusuttullu titartakkanik, Hans Egedep eqqaassutissaa taarserlugu sunik allanik periarfissaqarnerasoq pillugu nassiussinikkut peqataasinnaasimapput (Siunnersuutit nassiunneqarsimasut llanngussaq 3-mi takuneqarsinnaapput).

#### *Aaqqiissutissatut siunnersuut – suliatigut naliliineq*

Hans Egedep eqqaassutissaa pillugu innuttaasunik peqataatitsilluni suliaqarnerup takutippaa peqataalluortoqarsimasoq, Nuummi innuttaasut arlallit tamanut oqallitsitsinermut atatillugu isummersuutinik tunniussaqaarsimapput. Tamanik taasititsinerup inernerit tunngavigalugit Hans Egedep eqqaassutissaata maanna inissisimaffianiit nuunneqarnissaanut tunngavissaqanngitsoq takuneqarsinnaavoq.

Peqataaffigilluarneqarnerujussuata takutippaa kommunimi innuttaasunik peqataatitsineq pitsanngorsarneqartariaqartoq innuttaasullu suliani innuttaasunut attuumassutilinni peqataatinneqarnissaannut atugarisaat pitsaasunik najoqqutaqartarnerat attatiinneqassasoq. Qanorluunniit isummertoqaraluartoq kikkut tamarmik oqallinnerisa ingerlannaarnerata takutippaa, pissutsit isummallu eqqaassutissap inissisimaneraniit annertunerusumik tunngassuteqartut. Kikkut tamarmik oqallinnerat ingerlaannarallassasoq naatsorsuutigineqartariaqarpoq.

#### *Aningaasatigut sulisoqarnikkullu naliliinerit*

Soqanngilaq.

#### *Inatsisitigut tunngavissaq allakkallu tunngaviusumik uppersaaitallit*

Innuttaasunik peqataatitsineq pillugu Periusissiaq - Kommuneqarfik Sermersooq

- Kommuneqarfik Sermersuumi Ammasuunissamik Politikki

*Ingerlariaqqinnissaq*  
Soqanngilaq.

**Aningaasaqarnermut Allatseqarfimmit oqaaseqaatit**  
Oqaaseqartitsisoqanngilaq

**Innuttaasunik peqataatitsineq/attaveqaqatigiinneq**

- Tamanut taasititsineq (internetikkut Kommuneqarfiga aqqutigalugu/ najuunnikkut, allakkatigut taasinnikkut).
- Ammasumik oqaloqatigiinnertalimmik ataatsimiinneq
- Titartakkanik isumassarsianik siunnersuutiniq nassiussinikkut (meeqqat inuusuttullu).

**Ingerlatsivinnit allaniit oqaaseqaatigineqartut**  
Soqanngilaq.

**Ilanngussat**

1. Hans Egedep eqqaassutissaata inissisimanera pillugu taasinnermit inernerit takussutissartaat.
2. Hans Egedep eqqaassutissaa pillugu ulloq 21. juuli 2020-mi Katuami oqaloqatigiinnertalimmik ataatsimiinnermit imaqarniliaq.
3. Hans Egedep eqqaassutissaata inissisimaffianut qaqqamut periarfissanut allanut isummersuutit siunnersuutaasut (titartakkat).

## **Punkt 6: Taasariaqartut allat**

### **Beslutning**

Jens Kristian Berthelsen (S):

Ataatsimiittarnerit: Siunissaq eqqarsaatigalugu ataatsimiittarnerit allanngorteriasaartarneri pingitsoortinneqarnissaat kissaatigaa.

Meeqqat inuusuttullu: Aserorterinersuaq illoqarfimmi annertusiartorpoq. Taarsisalernerit malunnartippaat atuarfiit timersortarfiit igalaarsui aserorterneqartalersut. Meeqqat inuusuttullu sumiiffissaaleqipput, illoqarfimmilu susassaqarfiit/pinnguartarfiit amigaatigineqarput.

Attaveqaatit: Attaveqaatit ataatsimiittarfimmi pitsaanerulertariaqarput.

## **Punkt 7: Lukket**

## **Punkt 07A: Lukket**

## **Punkt 07B: Lukket**

## **Punkt 07C: Lukket**

## **Punkt 07D: Lukket**

## **Punkt 07E: Lukket**

## **Punkt 07F: Lukket**

## **Punkt 8: Imaqarniliap akuerineqarnera**

### **Beslutning**

Imaqarniliaq akuerineqarpoq nal. 17.38